

19(342)

25.06.2013

Հրատարակվում է
1999թ. սեպտեմբերից

Հանաչել գիտնականությունն և գիտարար, իմանալ զբանս հանձարոյ

ԼՍԱՐԱՐ

Лусарар

ԳԻՏԱԿՐԹԱԿԱՆ ԹԵՐԹ

Lusarar

ԵՐՐՈՐԴ ՍԵՐՆԴԻ ՑԱՆՑՆ ԱՐԴԵՆ ԱՐՑԱԽՈՒՄ Է ՇԱՐԺԱԿԱՆ ԻՆՏԵՐՆԵՏԸ ԳՈՐԾՈՒՄ Է

Հեռահաղորդակցության բնագավառում Արցախում հերթական առաջընթացն արձանագրվեց: Երրորդ սերնդի (3 G) ցանցի պաշտոնական մեկնարկը տրվեց հունիսի 22-ին: Այդ առթիվ ժամանել էին մեր հանրապետությունում տեղեկատվական տեխնոլոգիաների ներդրմանն ու զարգացմանն առաջամարտիկ՝ «Ղարաբաղ Տելեկոմ» ընկերության հիմնադիր և խորհրդի նախագահ Պիեռ Ֆատուշը, ընկերության համասեփականատեր, նրա եղբայր Մուսա Ֆատուշը, որդին, ընկերության գլխավոր տնօրեն Ռաֆֆ Յիրիկյանը, գլխավոր տնօրենի տեղակալ Գարեգին Օդաբաշյանը: Պատվիրակությանն ընդունեց ԼՂՎ վարչապետ Արա Յարությունյանը:



www.artsakh.tv

Ստեփանակերտ

Կառավարության ղեկավարը, ողջունելով հյուրերին, բարձր գնահատեց «Ղարաբաղ Տելեկոմ» ՓԲԸ-ի դերը, որը հնարավորություն է տվել Արցախը կապել արտաքին աշխարհի հետ: Ծուռով ավարտին կհասցվի հանրապետության ամբողջ տարածքը բջջային ծածկույթով պատելն ու դրան զուգահեռ՝ ինտերնետ հասանելիության ապահովումը: Ա. Յարությունյանն իր գոհունակությունը հայտնեց նաև այն բանի կապակցությամբ, որ պարոն Ֆատուշն իր հետ ունեցած առանձնագրույցի ժամանակ պատրաստակամություն է հայտնել շարունակել աշխատել Արցախում, ընդ որում՝ ոչ միայն կապի բնագավառում: Վարչապետը միաժամանակ շնորհակալություն հայտնեց ընկերության գլխավոր տնօրեն Ռ. Յիրիկյանին՝ ժամանակակից մեներձեռնի համապատասխան աշխատանքով ընկերությունը ստեղծելու համար, որտեղ աշխատելը շատ արցախցիների ցանկությունն է: Ա. Յարությունյանը նշեց, որ «Ղարաբաղ Տելեկոմը» ոչ միայն մեր հանրապետության ամենախոշոր հարկատուներից ու գործատուներից մեկն է, այլև գումարային և աշխարհագրական առումով բարեգործական խոշոր ծրագրեր

իրականացնողը: Նա ավստանք հայտնեց, որ ժամանակի սղության պատճառով պարոն Ֆատուշն անձամբ չի կարող լինել կառուցված և ընթացքի մեջ գտնվող օբյեկտներում, բայց հույս հայտնեց, որ հաջորդ այցին, որը գործարարի խոստման համաձայն, կլինի առնվազն տարին մեկ անգամ, իր աչքով կտեսնի այդ աշխատանքների պտուղները:

Պ. Ֆատուշն իր և եղբոր անունից շնորհակալություն հայտնեց Արցախի իշխանություններին՝ իրենց ընդառաջելու համար: Նրա խոսքով՝ երբ իրենք եկել ու սկսել են այստեղ գործունեություն ծավալել, հաշվի են առել ոչ այնքան բիզնեսի շահույթաբերությունը, որքան այն, որ Արցախը կապում են աշխարհի հետ: Այս միտքը պարոն Ֆատուշն արտահայտեց նաև հանդիպումից ու հանդիսավոր միջոցառումից հետո լրագրողներին տված ճեպագրույցում: Գործարարը պատրաստակամություն հայտնեց օժանդակել նոր աշխատատեղերի ստեղծմանը: «Դա թույլ կտա, որ Արցախի

ժողովուրդը միշտ մնա իր հողի վրա, և այսպես իրենք ու մենք կզարգանանք, երկիրը կուժեղանա և կամաց-կամաց կմտնի զարգացած երկրների շարք»,- մասնավորապես ասաց նա:

Պաշտոնական հանդիպումից հետո տեղի ունեցավ շարժական ինտերնետի մուտքն ապահովող երրորդ սերնդի բջջային ցանցի շնորհանդեսը, որը կայացավ «Վալթեր Գարդեն» հյուրամոցում՝ պետական բարձրաստիճան հյուրերի, բիզնես ոլորտի ներկայացուցիչների մասնակցությամբ:

Ամեն ինչ ձևավորված էր «Ղարաբաղ Տելեկոմ» ապրանքանիշով, բայց ոչ նախկին գույներով: «Ղարաբաղ Տելեկոմը», կապված 3G-ի գործարկման հետ, փոխել է ապրանքանիշի տեսքը և գույները, այսուհետ կներկայանա մանուշակագույնի և սպիտակի համադրումով՝ կորպորատիվ նոր ոճով ու ձեռագրով: Միջոցառման տոնակալ տեսքին հանդիսավորություն էր տալիս ջութակահարների եռյակի նվագը: Եվս մի ատրիբուտ՝ քաղա-

քակիրթ ցուցադրության: «Ղարաբաղ Տելեկոմ» գլխավոր տնօրենի տեղակալ Գ.Օդաբաշյանը ներկայացրեց միջոցառմանն առիթը՝ տեղեկատվական տեխնոլոգիաների ոլորտում նոր առաջատար ծառայությունների մատուցումը, որը «Ղարաբաղ Տելեկոմ» ընկերության ավելի քան մեկ տասնամյա գործունեության արդյունքն է: Նրա խոսքով՝ ընկերության հիմնադիր Պ. Ֆատուշը մի շարք ուղղություններով ձեռնարկատիրական գործունեություն է ծավալում տարբեր երկրներում, բայց Արցախում նախընտրել է հեռահաղորդակցության ոլորտը, որը ոչ միայն կապ հաստատելու, այլ նաև ներդրումները խթանելու կարևոր պայման է:

Իր հերթին Պ. Ֆատուշն ասաց. «Մենք այստեղ չենք եկել փող աշխատելու նպատակով, այլ եկել ենք, որ կանգնենք երկրի կողքին, և կարծում ենք՝ «Ղարաբաղ Տելեկոմ» միջոցով կարողացանք Արցախն ավելի տեսանելի դարձնել աշխարհին: Մենք աշխատում ենք Ղարաբաղի դրոշի ներքո և նրա ժողովրդի համար: Կիրթները այլ ներդրումներ բերել այստեղ և հնարավորություններ ստեղծել Արցախի տնտեսության զարգացման համար»:

Պ. Ֆատուշի գործունեությունն Արցախում չի սահմանափակվում միայն կապի ոլորտով, որտեղ ներդրումների ծավալը հասել է 50 մլն ԱՄՆ դոլարի սահմանը: Մեծ են նրա ծառայությունները նաև բարեգործական բնագավառում, հատկապես առողջապահության ոլորտում: Մասնավորապես, նրա կողմից այսօր ֆինանսավորվում է Կովսակա-նի բժշկական համալիրը, Բերձոր քաղաքում կառուցվում է շրջանային նոր բուժօժանկարում, ավարտված է Մարտակերտի շրջանային հիվանդանոցի շինարարությունը, շարունակվում են աշխատանքները Մարտակերտի պոլիկլինիկայում, ֆինանսավորում է իրականացվել Մարտունու, Հադրութի շրջանային

հիվանդանոցների համար, բազմաթիվ առողջապահական ծրագրեր՝ Ստեփանակերտում և այլն: Ա. Յարությունյանի տեղեկացմամբ՝ պարոն Ֆատուշը պատրաստակամություն է հայտնել առաջիկա տարիներին նոր բարեգործական ծրագրեր իրականացնել, ինչը նշանակում է տարեկան 1 մլն դոլարի օգնություն Արցախի սոցիալ-տնտեսական զարգացման համար: Այդ մասին գործարարը նախորդ օրը Երևանում գրուցել է նաև ԼՂՎ Նախագահի հետ: Այն, որ Արցախը Ֆատուշների ընտանիքի համար հոգեհարազատ տարածք է, վկայում է նաև այն, որ նա հերթական անգամ Արցախ է գալիս իր հարազատների և ընկերների հետ: Ա. Յարությունյանի հավաստմամբ՝ հաճախ հանդիպելով նրա հետ Երևանում ու Լիբանանում, ինքը նրանից միշտ լսել է, որ Արցախը սիրում է իր հայրենիքի պես: Հաճելի է, իհարկե, ունենալ նման բարեկամ:

Բարձր գնահատելով նրա ներդրումը հեռահաղորդակցության բնագավառի զարգացման գործում, ԼՂՎ Նախագահ Բակո Սահակյանը ստորագրել է հրամանագիր Պիեռ Ֆատուշին «Երախտագիտություն» մեդալով պարգևատրելու մասին: Պարգևը հանձնեց ԼՂՎ վարչապետը:

Ընկերության գլխավոր տնօրեն Ռաֆֆ Յիրիկյանը հայտարարեց երրորդ սերնդի ցանցի խորհրդանշական մեկնարկը, որը տրվեց փոքրիկ տեսահոլովակի ցուցադրումով: Նրա խոսքով՝ 3 G ցանցն իր հետ շատ նորություններ կբերի շուկա: Այսուհետ շարժական ինտերնետի շնորհիվ Արցախի բնակիչները կարող են հաղորդակցվել առանց տարածքային սահմանափակման, 3 G ցանցի միջոցով ավելի մեծ հնարավորություններ ունեն աշխարհի հետ կապ հաստատելու, ինչի շնորհիվ այստեղ կարող են զարգանալ և առաջարկվել բազմաթիվ նորարարական ծառայություններ:

Ս. ԽԱԶՏՐՅԱՆ

ՀԱՅՏԱՐԱՐՈՒԹՅՈՒՆ

ԼՂՎ գնահատման և թեստավորման կենտրոնը ս. թ. հունիսի 24-ից սկսում է հանրակրթական, նախնական, միջին մասնագիտական ուսումնական հաստատությունների (անկախ կազմակերպական իրավական ձևից) 2012-2013 ուստարվա և նախորդ տարիների շրջանավարտների «Հայոց լեզու և հայ գրականություն», «Հայոց պատմություն», «Ընդհանուր պատմություն», «Մաթեմատիկա», «Անգլերեն», «Ֆրանսերեն», «Գերմաներեն», «Ռուսաց լեզու», «Ֆիզիկա», «Քիմիա», «Կենսաբանություն», «Աշխարհագրություն», «Ստեղծագործական աշխատանք», «Նախնական գիմնորական պատրաստություն» առարկաների միասնական, կենտրոնացված (2013թ. բուհերի ընդունելության) և պետական ավարտական քննությունների կազմակերպման գործընթացը:

Պետական ավարտական լրացուցիչ քննություններին կարող են մասնակցել՝

- հիմնական փուլում անցկացված քննություններին չմասնակցած շրջանավարտները,
- միասնական քննության ավարտական մասը (Ա մակարդակ) չհաղթահարած շրջանավարտները,
- պետական ավարտական քննություններից (2 առարկայից ոչ ավելի) անբավարար ստացած շրջանավարտները:

Այն շրջանավարտները, ովքեր չեն հայտագրվել պետական ավարտական քննություններին, իրենց դպրոցներում պետք է ներկայացնեն դիմում տնօրենի անունով: Պետական ավարտական քննություններից անբավարար ստացած կամ միասնական քննության ավարտական մասը (Ա մակարդակ) չհաղթահարած

շրջանավարտները պետական ավարտական քննություններին (վերաքննություններին) մասնակցելու համար նոր դիմում չեն լրացնում:

Վերաքննություն հանձնողների տվյալները ներկայացնում են կրթության բաժնիները:

Միասնական, կենտրոնացված (2013թ. բուհերի ընդունելության) լրացուցիչ քննություններին կարող են մասնակցել՝

- պարտադիր ժամկետային զինվորական ծառայությունից 2013թ. գորացրվածները,
- սփյուռքի շրջանավարտները, նախնական և միջին մասնագիտական ուսումնական հաստատությունների 2013թ. շրջանավարտները,
- 2012-2013 ուստարվա այն շրջանավարտները, որոնք միասնական քննությանը հարգելի պատճառով ի վիճակի չեն եղել մասնակցելու,
- այն շրջանավարտները, որոնք առաջին փուլի քննություններին մասնակցելու համար չեն հայտագրվել,
- բողոքարկման հանձնաժողովի կողմից միասնական լրացուցիչ քննությանը մասնակցելու թույլտվություն ստացած շրջանավարտները:

Միասնական, կենտրոնացված լրացուցիչ քննություններին մասնակցելու համար անհրաժեշտ է՝

- լրացնել դիմում-հայտ,
- «Արցախբանկ» ՓԲԸ-ում «Վերածնունդ» Գնահատման և թեստավորման կենտրոնի 22311008416500 հաշվի համարին

յուրաքանչյուր քննությանը մասնակցելու համար փոխանցել 1500 (հազար հինգ հարյուր) դրամ և վճարի անդորրագիրը կցել դիմում-հայտին,

- անձը հաստատող փաստաթղթի պատճեն,
- 3 x 4 չափսի լուսանկար:

Միասնական քննությունների վճարից (1500 դրամ) ազատվում են.

- 1-ին ու 2-րդ խմբերի, ինչպես նաև հաշմանդամ երեխայի կարգավիճակ ունեցող անձինք,
- ՀՀ և ԼՂՎ պաշտպանության ժամանակ զոհված զինծառայողների երեխաները,
- առանց ծնողական խնամքի մնացած երեխաների թվին պատկանող մինչև 23 տարեկան անձինք:

Վերոգրյալ խմբերին պատկանող անձինք դիմում-հայտին կցում են համապատասխան փաստաթղթերի պատճենները: Դիմում-հայտերը լրացվում և ընդունվում են Գնահատման և թեստավորման կենտրոնում, ս. թ. հունիսի 24-ից՝ ամեն օր, ժամը 10:00 - 17:30:

Հասցեն՝ ք. Ստեփանակերտ, Մարտունի 97:
Ընդունման ժամկետն ավարտվում է ս.թ. հունիսի 29-ին, ժամը 18:00-ին:

Լրացուցիչ տեղեկությունների համար զան-զահարել (047) 97 40 51 հեռախոսահամարով:

Գնահատման և թեստավորման կենտրոն

ԱՆՑՈՒԴԱՐԶ

ԱՎԱՐՏԱԿԱՆ ՄԻՋՈՑԱՌՈՒՄ, ՈՐ ՆԱԵՎ ՌԻՍԱՆԵԼԻ ԴԱՍ Է

Արցախի պետական համալսարանի հայ բանասիրության և լրագրության ֆակուլտետում անցյալ տարի ծանրորված գեղեցիկ ավանդույթը՝ շրջանավարտներին դիպլոմների հանձնման արարողությունը Արցախի առաջին դարանոցում՝ Ամարասի վանքում հանձնելը, որն այս տարի անցկացվեց ՀՀ կրթության և գիտության նախարար Արմեն Աշոտյանի մասնակցությամբ, օրինակելի քայլ է դարձել նաև ուրիշ մասնագիտությունների շրջանավարտների համար: Հերթական նման միջոցառումը նախագործող չային պատրաստության և ֆիզիկական դաստիարակության ֆակուլտետի շրջանավարտների համար էր, որն անցկացվեց մեկ այլ սրբավայրում՝ ԼՂՀ զոհված ազատամարտիկների հուշաթանգարանում: Պահը խորհրդանշական էր ոչ միայն իր բարոյական նշանակությամբ, այլև ֆիզիկական զգացողությամբ: շրջանավարտներից ոմանց հայրերը կան հարազատներն իրենց կյանքն են դրել հայրենիքի պաշտպանության գոհասեղանին և հիմա նրանց լուռ հայացքների ներքո, նրանց անտես ներկայությամբ նրանց զավակները հավատարմության երդում են տալիս: Չորս տարի առաջ նրանք նման մի հանդիսավոր պահի՝ համալսարանի զոհված ուսանողների հուշաթանգարանի առջև երդում էին տվել տիրապետել մասնագիտությանը, իրենց գիտելիքներով ծառայել հայրենիքին, շարունակել զոհված ազատամարտիկների կիսատ թողած գործը: Այսօր եկել է ժամանակը խոսքը գործով ապացուցելու: Այս միտքն ընդգծեց ԱրՊՀ ռեկտոր

Ստեփան Դադայանը՝ շնորհավորելով և առաջինը դիպլոմներ հանձնելով մի խումբ շրջանավարտների:

ՉԱՀՄ նախագահ Գայլա Առստամյանը շնորհակալություն հայտ

ներթին ավարտականներ հանձնելով:

Մասնագիտությամբ մանկավարժ, երկու հերոս նահատակ որդիների մայր Արփիկ Ալբունյանը,

րազմ չլինի աշխարհի ոչ մի երկրում: Ու նաև՝ ուրախությունը, որ շարք է մտնում մատաղ սերնդի մեջ ռազմահայրենասիրություն սերմանող նոր սերունդ:

յանը, դեկան Շահեն Այդինյանը՝ յուրաքանչյուրն իր բարենադրանքը հղելով և միջոցառումը համարելով ևս մի հայրենասիրական դաս:

Դիպլոմների հետ միասին շրջանավարտներին թանգարանի կողմից հանձնվեցին Գոհար Մարտիրոսյանի հեղինակած՝ Լեոնիդ Ազգալոյանին նվիրված «Սա Հայաստան է և՛ վերջ» գիրքը:

Իրենց սրտի խոսքն ասացին նաև շրջանավարտները: Ու նաև անակնկալ մատուցվեց: Շրջանավարտներից Արեն Գաբրիելյանը և Վարդուհի Մինասյանը՝ երկուսն էլ զոհված ազատամարտիկների զավակներ, նոր են ընտանիք կազմել: Տիկին Գայլան արժեքավոր նվեր հանձնեց ամուսնական զույգին:

Դիպլոմների հանձնմանը զուգընթաց շրջանավարտներից մի քանիսը շնորհակալագրի արժանացան ռեկտորի կողմից՝ Հայաստանում կայացած ուսանողական համահայկական խաղերում մրցանակային տեղեր գրավելու համար:

Հիրավի, անվերջ են ուսուցանման ու դաստիարակության հնարավորությունները, առանձնապես մի երկրում, որպիսին Արցախն է, որտեղ ամեն քայլափոխի հերոսացումն օրինակներ կան:

Սեֆ. Լրատվություն



նեց համալսարանի ղեկավարությամբ՝ շրջանավարտների կյանքում հի շ ա թ ա ն ի թ ա դ ա թ ու թ յան՝ դիպլոմ ս տ ա ն ա լ ու պ ա տ վ ա վ ո թ Վայրերի շարքում ընդգրկելու նաև զոհվածների հուշաթանգարանը և իր մայրական օրհնությունը հղեց շրջանավարտներին՝ մաղթելով նրանց լուսավոր և խաղաղ ճանապարհ՝ ինքն էլ իր



չկարողանալով թաքցնել հուզմունքը, արտահայտեց աշխարհի բոլոր մայրերի մաղթանքը՝ թող պատե-

Ուսանողների հետ տարվող աշխատանքների գծով պրոռեկտոր Վիտալի Յարամիշյանն էլ նշեց, որ գիտելիքները, որ ուսանողներն ստացել են համալսարանում և դասը, որ շրջանավարտները ստացան այստեղ, ուղեմիջ կլինեն մասնագիտական հաջող գործունեության համար, իսկ մաղթանքը նույնական էր բոլորի համար՝ թող նրանց ջանքերը նպատակաուղղված լինեն միայն խաղաղ, ստեղծագործ աշխատանքի, և այլևս կարիք չլինի ստեղծելու հերոսների թանգարաններ, այլ՝ փառքի, աշխատանքի, հավերժության:

Շրջանավարտներին շնորհավորեցին և դիպլոմներ հանձնեցին նաև ամբիոնի վարիչ Սուսաննա Պողոս-

ԱՆՁԱՆ ԿԻՍԱԵՉՐԱՓԱԿԻՉ ՓՈՒԼ

Մայիսի 18-ին Ստեփանակերտի Աշոտ Ղուլյանի անվան հ. 2 հիմնական դպրոցում աշխուժություն էր տիրում: Արդեն երկու ամիս էր, ինչ դպրոցի մանկավարժական ողջ կազմը, առավել ևս՝ աշխարհագրության ուսուցչուհի Լուսինե Արզանգուլյանը, պատմության ուսուցչուհի Ծովինար Առստամյանը, գրականության ուսուցչուհի Կարինե Իշխանյանը, երգ-երաժշտության ուսուցչուհի Եմմա Ամյանն իրենց ուժերն ու կորովը ներդրած, դպրոցի 7 աշակերտների նախապատրաստում էին «Հայ ասպետ» հեռուստախաղին: Եվ արդեն մոտեցել էր այդ բաղձալի օրը, երբ երեխաները պետք է ցույց տային ամիսների իրենց տքնաջան աշխատանքի արդյունքը: Ու քանի որ ինձ՝ որպես ծնողի, նույնպես բախտ էր վիճակվել մասնակցել այդ հիմնալի խաղին, ուստի կփորձեմ իմ տպավորություններով հաղորդակցվել ընթերցողների հետ:

Լեկտի ու մարդկային մեծ արժանիքների: Մեր թիմին բաժին էին ընկել արժանի մրցակիցներ՝ Երևանի հ. 58 և Գավառի հ. 2 դպրոցների թիմերը, ովքեր ևս լավ պատրաստված էին:

Առաջին փուլի ավարտին մեր թիմին բաժին ընկավ պար, ու երբ մեր աշակերտները պարեցին ժողովրդական անենաբարդ պարերից մեկը՝ «Փափուրին», հանձնախումբն ապշած էր նրանց արհեստավարժ կատարումով, և գովեստի ու շնորհակալանքի խոսքեր հնչե-

մեղալակիր է, իսկ այսօր արդեն՝ ԼՂՀ պաշտպանության բանակի զինծառայող, ում ուսուցանելու շնորհիվ մեր աշակերտները կարողացան անթերի ներկայացնել պարը և վաստակել 10 միավոր: Առաջին անգամ 5 եթերաշրջանների ընթացքում անենաբարձը 67 և 65 միավորները վաստակեցին ու կիսաեզրափակիչ փուլ անցան Գավառի և Ստեփանակերտի հ. 2 հիմնական դպրոցների թիմերը՝ արժանանալով



Կարին Տոնոյանի դրվատանքի խոսքերին, ով և խոստացավ աշակերտներին՝ գերազանց խաղ ցուցադրելու համար նախ արշավ կազմակերպել դեպի Արցախ՝ ընդգրկելով նաև Արցախի խումբը, այնուհետև ևս մեկ արշավ՝ դեպի Հայաստանի տեսարժան վայրեր, որին կիրավորվեն Արցախի և Գավառի հաղթող թիմերը: Այդ երկու օրերի տպավորությունները դեռ երկար կմնան մասնակիցների սրտերում: Մնում է միայն հաջողություն մաղթել մեր աշակերտներին՝ կիսաեզրափակիչում ևս հաղթող ճանաչվել՝ դրանով իսկ բարձր պահելու և՛ դպրոցի, ինչու չէ, նաև Արցախի պատիվը, քանզի խաղը Հայաստանի հանրային հեռուստաալիքով դիտում են աշխարհի տարբեր ծագերում, երկն թե՛ նաև ուրախանում հայ պատանիների գիտելիքներով ու կրթության ասպարեզում ձեռք բերած հաջողությունները:

րով: Նշենք, որ «Հայ ասպետ» հեռուստամրցաշարը պատկանում է «Հայ ասպետ» կրթադաստիարակչական բարեգործական հիմնադրամին, որի գլխավոր հովանավորն է ՀՀ կրթության և գիտության նախարարությունը: «Հայ ասպետ»-ի նպատակն է՝ Հայաստանի Հանրապետության ողջ տարածքում և Արցախում ստեղծել մանկապատանեկան, երիտասարդական հայրենասիրական կազմակերպություններ, պատանիներին ու երիտասարդներին դաստիարակել համամարդկային և ազգային բարձր գաղափարներով, ասպետական բարեկրթությամբ և ոգով, արշավների և բանակումների միջոցով նպաստել նրանց հայրենաճանաչողության բարձրացմանը, համահայկական միջոցառումների և հեռուստահաղորդումների միջոցով՝ աշխարհի տարբեր ծայրերում ապրող հայ պատանիների և երիտասարդների համախմբմանն ու հայրենագիտական իմացության զարգացմանը:

Լիրա ՂԱԼԱՅԱՆ

ԸՆԹԱՑԷ

ՏԵՔՍԱՅԻՆ ԽՆԴԻՐՆԵՐԻ ԼՈՒԹՈՒՄՆԵՐԸ ԵՎ ՆՐԱՆՅ՝ ՎԵՐԼՈՒԹՈՒԹՅՈՒՆԸ

Դարոցական մաթեմատիկայում զգալի տեղ են զբաղեցնում, այսպես կոչված, տեքստային խնդիրները, որոնք բացի մաթեմատիկական տեսական (ֆորմալ) մտածելակերպի զարգացման խթանումից, կարևոր դերակատարում ունեն նաև այդ տեսական մտածելակերպը կիրառական խնդիրներ լուծելու միջոցով մաթեմատիկա գիտությունը առավել գրավիչ դարձնելու գործում:

- Պայմանականորեն տեքստային խնդիրները կարելի է տրոհել 5 դասի՝
1. Աշխատանքի վերաբերյալ,
2. Շարժման վերաբերյալ,
3. Խառնուրդների (տոկոսների) վերաբերյալ,
4. Պրոգրեսիաների վերաբերյալ,
5. Թվերի նկատմամբ գործողությունների վերաբերյալ:

Զնայած տարբեր դասերի պատկանող խնդիրների լուծումների էական տարբերություններին, բոլոր դասերի խնդիրների լուծումները հանգում են մեկ ընդհանուր երևույթի՝ խնդրի ֆորմալ ներկայացման հասկացության վրա:

Խնդիրների լուծումները՝ որպես օրենք, հանգում են խնդիրներում տրված առնչությունների (հավասարումների) անհայտ մեծությունների արժեքները գտնելուն: Այդ խնդիրները կարելի է լուծել ինչպես մեկ անհայտով մեկ հավասարման, այնպես էլ մի քանի անհայտով հավասարումների համակարգի լուծումների օգնությամբ: Մենք կբնարկենք այդ լուծումները և կանենք համեմատություններ:

Եթե խնդրի լուծման համար օգտվում ենք մեկ անհայտով մեկ հավասարումից, ապա փնտրվող մեծություններից մեկը նշանակելով ինչ-որ, ասենք, x տառով, մյուս փնտրվող մեծությունների արժեքներն արտահայտում ենք այդ x մեծության և խնդրում տրված պայմանների միջոցով, ընդ որում, այս դեպքում առաջանում են հետևյալ հարցերը՝

- 1. Խնդրի պայմաններում թվարկված հիմնական առնչություններից ո՞րն օգտագործել փնտրվող մեծությունների նշանակումների համար,
2. Փնտրվող մեծություններից ո՞րն ընդունել որպես գլխավոր փնտրվող մեծություն,
3. Ինչպե՞ս ներմուծված գլխավոր անհայտի և հայտնի մեծությունների թվային արժեքների օգնությամբ արտահայտել մյուս փնտրվող փոփոխականների արժեքները: Այս հարցերը լուծելու համար սովորողներից շատ քանակ են ժամանակ է պահանջվում:

Իսկ եթե փորձ է արվում խնդիրը լուծել հավասարումների համակարգի օգնությամբ, ապա գլխավոր անհայտների հարց չի առաջանում. փնտրվող բոլոր փոփոխականներն ընդունվում են որպես գլխավոր անհայտներ:

Փորձենք վերլուծել հետևյալ խնդիրների լուծումները .

Խնդիր 1. Երկու բանվոր որոշակի աշխատանք միասին կարող են կատարել 4 օրում: Եթե առաջին բանվորը մենակ կատարի աշխատանքի կեսը, իսկ երկրորդը՝ մնացած կեսը, ապա աշխատանքը կավարտվի 9 օրում: Զանի՞ օրում բանվորներից յուրաքանչյուրը կկատարի այդ աշխատանքը միայնակ:

Խնդիր 2. Երկու զբոսաշրջիկ A և B վայրերից գնում են իրար ընդառաջ: Առաջինը A-ից դուրս է գալիս 6 ժամ ուշ, քան երկրորդը, և հանդիպման ժամանակ պարզվում է, որ առաջինը 12 կմ-ով պակաս ճանապարհ է անցել, քան երկրորդը: Շարունակելով ճանապարհը նույն արագությամբ, առաջին զբոսաշրջիկը B վայրն է հասնում 8 ժամում, իսկ երկրորդը՝ 9 ժամում: Պարզել A վայրից B վայրն ընկած հեռավորությունը և զբոսաշրջիկների արագությունները:

Մաթեմատիկայի դարոցական դասընթացում տարածված են տեքստային խնդիրների հավասարման միջոցով լուծելու երկու եղանակներ.

- I եղանակ
1. Նշանակել գլխավոր անհայտը.
2. Արտահայտել խնդրի բոլոր անհայտները գլխավոր անհայտի և խնդրում տրված պայմաններով.
3. Կազմել հավասարումը՝ օգտագործելով խնդրի մնացած պայմանները:

- II եղանակ
1. Առանձնացնել խնդրի պայմաններով տրված հիմնական առնչությունները.
2. Նշանակել գլխավոր անհայտները.
3. Անհայտ մեծություններն արտահայտել գլխավոր անհայտներով և խնդրի պայմաններով.
4. Կազմել հավասարումը:

Փորձենք լուծել վերևում շարադրված խնդիրները նշված եղանակներով և համեմատել դրանք:

Խնդիր 1. I եղանակ. Փնտրվող մեծությունների թվային արժեքների նշանակումների համար ունենք «Երկու բանվոր որոշակի աշխատանք միասին կատարում են 4 օրում» առնչությունը: x-ով նշանակենք առաջին բանվորի ամբողջ աշխատանքը մենակ կատարելու դեպքում ծախսած օրերի թիվը: Այս դեպքում առաջին բանվորը 1 օրում կկատարի ամբողջ աշխատանքի 1/4 մասը, իսկ երկրորդ բանվորը՝ 1/4 - 1/x: Հետևաբար, երկրորդ բանվորը մենակ ամբողջ աշխատանքը կկատարի

1: (1/4 - 1/x) = 1: (x-4)/4x = 4x/(x-4) օրում:

II եղանակ. Փնտրվող մեծությունների թվային արժեքների նշանակումների համար օգտվենք հետևյալ առնչությունից՝ «Եթե առաջին բանվորը կատարի աշխատանքի կեսը, իսկ երկրորդը՝ մնացած կեսը, ապա ամբողջ աշխատանքը կավարտվի 9 օրում»:

Թող x-ը առաջին բանվորի ամբողջ աշխատանքը կատարելու համար անհրաժեշտ օրերի թիվն է, այդ դեպքում նա աշխատանքի կեսը կկատարի x/2 օրում, իսկ երկրորդը՝

(9 - x/2) օրում, հետևաբար, երկրորդ բանվորն ամբողջ աշխատանքը կկատարի (18 - x) օրում:

Խնդիր 2. I եղանակ. x-ով նշանակելով A և B վայրերի հեռավորությունը՝ հանդիպման կետի հեռավորությունը A կետից կլինի (x-12)/2 կմ, B-ից՝ (x+12)/2 կմ: Առաջին զբոսաշրջիկի արագությունը կլինի (x-12)/8 կմ/ժ, երկրորդինը՝ (x-12)/9 կմ/ժ:

II եղանակ. «Շարունակելով ընթացքը նույն արագությամբ, առաջին զբոսաշրջիկը B վայրն է հասնում 8 ժամում, իսկ երկրորդը՝ 9 ժամում» առնչությունից կատանանք, որ առաջին զբոսաշրջիկը A վայրից մինչև հանդիպում ճանապարհի վրա կծախսի

(x-12)/2 : (x-12)/16 ժամ, իսկ երկրորդը B-ից մինչև հանդիպում՝ (x+12)/2 : (x-12)/18 ժամ:

Իսկ եթե խնդիրները լուծենք հավասարումների համակարգերի օգնությամբ, ապա գլխավոր անհայտների հարցը կլուծվի առանց որևէ դժվարության:

Նկատենք, որ հավասարումների համակարգով խնդիրների լուծումների համար որպես գլխավոր անհայտներ կարելի է ընդունել փնտրվող մեծությունները:

Մեկ հավասարման միջոցով խնդրի լուծման ուրվագիծը

Երկու (և ավել) փնտրվող մեծություններով խնդիրների մեկ անհայտով մեկ հավասարման օգնությամբ լուծման ժամանակ խնդրում տրված առնչություններն օգտագործվում են տարբեր նպատակներով. մեկը փնտրվող մեծության թվային արժեքն արտահայտելու, մյուսը՝ հավասարումը կազմելու համար:

Միևնույն ժամանակ մեկ գլխավոր անհայտի արտահայտության ներմուծման ժամանակ անհայտ մեծությունների թվային արժեքները ստանում են բարդ տեսք: Այսպես, խնդիր 1-ում (x-12)/2 փոխարեն, (x-12)/18, (x-12)/9 փոխարեն, խնդիր 2-ում՝ (x+12)/16, v1-ի փոխարեն, և (x-12)/18, v2-ի փոխարեն:

Խնդիրների վերլուծությունները ցույց են տալիս, որ մի բանի փնտրվող մեծություններով խնդիրներում (ինչպես 1 և 2 խնդիրներում)՝

- 1) համակարգերի կազմման միջոցով խնդիրների լուծումների գործընթացն ավելի հեշտ է, քան մեկ փոփոխականով հավասարումներ կազմելու եղանակը,
2) հավասարումների համակարգի կառուցվածքը շատ ավելի պարզ է, քան մեկ անհայտով հավասարման կառուցվածքը:

Խնդիր 1-ում հավասարումը կունենա (x-12)/2 + (x+12)/16 կամ 1/x + 1/(18-x) = 1/4 տեսքը:

Իսկ այդ նույն խնդրի առնչություններից ստացված համակարգը կլինի՝

{ 1/x + 1/(18-x) = 1/4
x + y = 9
Խնդիր 2-ում հավասարումը կլինի (x-12)/2 : (x+12)/16 + 6 - (x+12)/2 : (x-12)/18, իսկ

համակարգը՝

{ 9v1 + 6 - 8v1/v2
v1 + 12 - 8v1/v2

Այսպիսով, տեքստային խնդիրները մեծամասամբ հեշտ է լուծել համակարգ կազմելու միջոցով, քան մեկ անհայտով հավասարման օգնությամբ: Ընդհանրացնելով վերը շարադրվածը՝ կունենանք.

- I. Մի քանի անհայտներով տեքստային խնդիրները ցանկալի է լուծել հավասարումների համակարգերի օգնությամբ:
II. Մի քանի անհայտով տեքստային խնդիրները պետք է լուծվեն առանձնացնելով խնդրում տրված բոլոր առնչությունները և ենթարկվեն վերլուծության:

Վերջին գործընթացն իր հերթին կարելի է տրոհել հետևյալ փուլերի՝

- 1. Խնդրի պայմանների վերլուծություն (հիմնական նպատակը, հիմնական առնչությունների առանձնացումը, հիմնական առնչությունների մեջ մտնող անհայտ մեծությունների առանձնացումը, հիմնական առնչությունների սկզբնական փուլում տառերով գրությունը),
2. Փնտրվող մեծությունների նշանակումները,
3. Հավասարումների, համակարգերի կազմումը և լուծումը,
4. Խնդիրների ենթադրյալ պատասխանների հայտնաբերումը,
5. Ստուգումը,
6. Պատասխանների գրառումը:

Նշված փուլերի մի մասը ներկայացնենք խնդիր 2-ի լուծման գործընթացում.

- 1. Հիմնական առնչություններն են.
ա) առաջին զբոսաշրջիկը մինչև հանդիպումն անցել է 12 կմ պակաս ճանապարհի, քան երկրորդը,
բ) առաջին զբոսաշրջիկը մինչև հանդիպումը ծախսել է 6 ժամ պակաս, քան երկրորդը:

Պարզ է դառնում, որ պետք է արտահայտել՝

- ա) առաջին զբոսաշրջիկի անցած ճանապարհը մինչև հանդիպումը,
բ) երկրորդ զբոսաշրջիկի անցած ճանապարհը մինչև հանդիպումը,
գ) առաջին զբոսաշրջիկի մինչև հանդիպումը ծախսած ժամանակը,
դ) երկրորդ զբոսաշրջիկի մինչև հանդիպումը ծախսած ժամանակը:
Վերհիշում ենք արագության, ժամանակի և անցած ճանապարհի հիմնական կապը՝

s = v * t:

- 4. Լուծելով հավասարումների համակարգը, գտնում ենք՝
v1 = 6, v2 = 4:

Հիշենք, որ v1-ով և v2-ով նշանակել ենք I և II զբոսաշրջիկների արագությունները կմ/ժ-ով, հետևաբար, եթե խնդիրը լուծում ունի, ապա պատասխանը կլինի միայն այսպիսին՝ առաջին զբոսաշրջիկի արագությունը 6 կմ/ժ է, երկրորդինը՝ 4 կմ/ժ, իսկ A-ից B հեռավորությունը՝ 84 կմ:

Վերջում նկատենք, որ տեքստային խնդրի լուծման տրամաբանական վերլուծությունը ցույց է տալիս, որ լուծելով հավասարումը կամ հավասարումների համակարգը, կազմված խնդրի պայմաններով, մենք գտնում ենք ոչ թե խնդրի լուծումը, այլ լույս այն թիվը կամ թվազույգը, որոնց մեջ պետք է փնտրել խնդրի լուծումը: Հետևաբար, «ստուգումը» (ավելի ճիշտ է ասել՝ խնդրի լուծման առանձնացումը) հանդիսանում է խնդրի լուծման գործընթացի անհրաժեշտ տրամաբանական տարրը:

Ո. ԶԱՐՈՒԹՅՈՒՆՅԱՆ
ԶԱԱԳ Սպեկիանական մասնաճյուղի
մաթեմատիկայի ամբիոնի վարիչ
Պ. ԱՍԿԵԼՅԱՆ
ԱրԴԳ ասպիրանտ

ՄԵԹՈԴԱԿԱՆ ԶԵՆՆԱՐԿ

ՈՒՄՈՒՑԱՆՈՒՄ՝ ՆՈՐ ՄԵԹՈԴՆԵՐՈՎ

Մեթոդական այս ծեռնարկը՝ «Սովորեն սովորեցնել»՝ Լյուդմիլա Բեգլարյանի հեղինակությամբ, տպագրված ԼՂՀ կրթության և գիտության նախարարության պատվերով, «Ռիզակ պլուս» հրատարակչության կողմից, թեև հասցեագրված է հիմնականում դասավանդողներին, երիտասարդ ուսուցիչներին, կարող է օգտակար լինել նաև սկսնակի տարիքը վաղուց արդեն ետևում թողածներին, նույնիսկ՝ կայացածների շարքին դասավանդողներին: Ուսուցչուհու յուրօրինակ մեթոդներն ու մոտեցումները, ուսուցչուհու նոր սկզբունքները խորհելու, մտորելու տեղիք են տալիս, ինչ-որ տեղ «ստիպում, պարտադրում» նորից ու նորից կարգալու այս կամ էջը, միտքը, խաղ-ուսուցում սկզբունքի կիրառությանը վերաբերող հատվածը, պարբերությունը: Ու դեռ ավելին. մեկ-մեկ այնքան են տարվում, ոգևորվում, որ մտովի դասարան են մտնում ու հիացմունքով լսում հմուտ ուսուցչուհու այնքան մատչելի բացատրությունները, վեց տարին նոր բոլորած սանիկների միտքը, ուղեղը շարժող հարցերը, խորհուրդները, հորդորները: Այդ, զգացվում է, որ Լյուդմիլա Բեգլարյանը ասելիք ունի, ու որ շատ կարևոր է, եղածով, ձեռք բերածով չի բավարարվում, շատ է կարդում, կամենում ու կարողանում է դասագրքից, գրատախտակից հեռու տեսնել: Դե, լավ ուսուցիչ դառնալու համար ուրիշ ի՞նչ է պետք:

Կենսագրությունը շատ սովորական է, անզան՝ աղբյուրի: Առաջին չորս տարիներին սովորել է Ծանոթ մի ուղի, որ անցնում են շատերը: Բայց այս շատերից քչերն են հասնում հեռվում մշտնջենի բարձունքին: Ունաք ինչ-որ կետում ընկրկում են ղեկավարությունների առջև, ոմանք կանգ են առնում անորոշ մի հատվածում ու այլևս իրենց ուժերին չեն վստահում և այլև: Լոկ մի մասն է մինչև վերջ համառորեն շարունակում, օր օրի գիտելիքներ անբարուն, ինքնակրթությամբ զբաղվում, ավելի լավին, ավելի կատարյալին հասնելու ուղիներ որոնում, հոգու խորքում հազար ու մի երազ գուրգուրում, փայլափայլում:

Այնպես, ինչպես Լ. Բեգլարյանը: Այժմ պատմենք նրա ուսանելի փորձի ու բոլորովին վերջերս ընթացող սեղանին դրած գրքի արժանիքների մասին: Սկսենք պլան-սեղանագրից, յուրօրինակ այն անցաթղթից, որ իրավունք է տալիս բացելու դասարանի դուռը: Եվ այսպես, թերթերը գիրքը, բացելը 100-րդ էջը ու կարդալը. 3-րդ դաս. - Մաթեմատիկա Դասի թեման - գունարման տեղափոխական հատկությունը. Դասի նպատակը. ա) Մեթոդական. - Աշակերտների մեջ զարգացնել նոր թեմայի վրա աշխատելու կարողություններ. բ) Ուսուցանող. - Աշակերտների մեջ զարգացնել նոր թեմայի շուրջ ինքնուրույն դատողություններ անելու, մտածածը բանավոր շարադրելու, ընկերների և ուսուցչի հետ հաղորդակցվելու ունակություններ:

գ) Զարգացնող. - Օրինակների միջոցով մարզել երեխաների հիշողությունը և ուշադրությունը: դ) Դաստիարակիչ. - Աշակերտների մեջ զարգացնել ուղիների՝ ընկերացող դատողությունները լսելու, դիմացինի առաջարկը հաշվի առնելու, առաջարկված խնդիրը ճիշտ լուծելու հմտություններ: ե) Կշռադատող. - Աշակերտների մեջ արմատավորել այն գաղափարը, որ գունարեկների տեղափոխությունից գունարեկ մնում է անփոփոխ: Դասի ընթացքը. ա) Խթանման փուլ - Բանավոր հարցման միջոցով երեխաներին հիշեցնել, որ մի քանի գունարեկներ

րի գունարեկ հաշվելիս գունարեկը կատարում ենք հերթականությամբ՝ ծախից աջ: Հանձնարարել աշակերտներին՝ մտածել, ինքնուրույն կազմել վարժություններ և լուծել այնպես, ինչպես լուծում էինք սովորաբար: Հետևել, որ մի քանի աշակերտներ այդ պահանջը կատարեն գրատախտակի վրա: Կատարել տալ h. 140 վարժությունը, որը ծառայում է այդ նպատակին: Հետո գալիս է «Իմաստի ընկալման փուլը» հետո՝ «Կշռադատման փուլը», հետո...

Ու այս ամենը՝ այնքան հանգամանորեն, որ անտարբեր մնալ չի կարելի: Սիս մի քանի տող, որ շատ բան է հուշում: ...Այնուհետև երեխաներին բաժանվում են թեմային վերաբերող վարժություններով քարտեր, և պահանջվում է մրցակցային եղանակով լուծել: Հաղթում են այն աշակերտները, ովքեր ավելի արագ և ճիշտ են լուծում:

Համաձայնեք, շատ քիչ ուսուցիչներ են այսպես վարվում, այսպիսի բարեխղճու-



թյուն, իմացություն ցուցաբերում: Ու, կարծում են, չափազանցություն չի լինի, եթե ասենք՝ միայն այսպիսի պլան-սեղանագրով կարելի է որոշակի պատկերացում կազմել ուսուցչուհու մակարդակի, պատրաստակամության մասին:

Նշենք, որ գիրքն իր ամբողջության մեջ սովորեցնող է, ուսուցանող: Տակավին առաջին դասարանում ուսուցչուհին պատշաճ կարևորություն է տալիս հասկանալով կարդալու կարողությունների զարգացմանը, վայելուչ ձեռագրերի ստեղծմանը, տարածության մեջ կողմնորոշվելու ունակությանը: Արդյունքը: 27 աշակերտից ուսումնական տարվա ավարտին 12-ը տիրապետում էին ներկայացվող բոլոր պահանջներին, մնացած 15-ից զգալիորեն ետ էին մնում ընդամենը 5-ը: Ի դեպ, խաղերի միջոցով հնչյունների, վանկերի, թվանշանների ուսուցումը նրա մոտ այնքան սովորական է դարձել, որ երեխաները երբեմն հենց իրենք են կազմակերպում ման աշխույժ ու օգտակար «դասեր»:

Սամերի մեջ բառակազմական կարողություններ մշակելու համար ուսուցչուհին բառերի մեջ մտնող տառերի կամ վանկերի փոփոխությամբ կազմել է տալիս նոր վանկեր: Օրինակ՝ վանկ-կտավ, հարս-սրահ, կամ պահանջում ստեղծել հանգավոր բառեր. գարուն-սիրուն, ամառ-համար և այլն: Ուշագրավ մի փաստ. 2-րդ դասարանում ուսուցչուհին պահում է «Հրաշք տետրեր», որոնք ձևավորվում են հետևյալ սկզբունքով. երեխաները դասի բովանդակությունը նկարում են, գրում են եղինակի անուն-ազգանունը, բնագրի վերնագիրը: Նկարին հաջորդում են բնագրին վերաբերող առած-ասացվածքներ, հանելուկներ, շուտասեղանակներ:

«10» գնահատված նրա աշակերտները (27-ից՝ 6-ը) ընթերցանության ժամանակ ընկալում են նոր կարդացած տեքստի բովանդակությունը. կարողանում պահպանել տրամաբանական դարպարները, տեքստը բաժանել մասերի, վերնագրել, կազմել հարցաշար (հեռակետային բառերով), ըն-

թերցած տեքստից դուրս գրել հերոսներին բնութագրող արտահայտություններ և այլն:

«Դասավանդման նմանօրինակ ոճով աշխատելու շնորհիվ, գրում է Լ. Բեգլարյանը, ուսումնական երկրորդ տարվա առաջին կեսից մեր դասարանում արձանագրվեցին բավականին դրական արդյունքներ: Ամբողջ դասարանում միայն երկու աշակերտ էին ետ մնում պահանջվող չափորոշիչներից:

Գեղարվեստական նյութերի ընթերցման, լեզվական տարրական գիտելիքների և կարողությունների մշակման ճանապարհով են իմ աշակերտների մեջ ձևավորել են հայեցի մտածողություն, ազգային հոգեկերտվածք, զարգացրել լեզվամտածողությունը, պատկերացումները շրջապատի, բնական երևույթների, մարդկանց ու նրանց աշխատանքային գործունեության մասին»:

Ի դեպ, ճանաչված դասավորի մոտ անցյալ տարի կազմակերպվել է բաց դաս-միջոցառում («Գիտունիկ աստղիկ»), որը ներկաների վրա թողել է շատ վառ տպավորություն:

Ուղղագրության ուսուցման բարձր մակարդակ ապահովելու համար, ինչպես գրքում է ներկայացված, ուսուցչուհին անհրաժեշտ աշխատանք է կատարում դեռևս առաջին դասարանում՝ զարգացնելով երեխաների հնչյունային սուր լսողությունը: Երկրորդում և երրորդում մեծ ուշադրություն է դարձնում բառային ինքնաթելադրությանը: Ընտրում է միևնույն կամ մի քանի վերաբերող բառեր (1-ին դասարանում՝ 10, երկրորդում՝ 20-25, երրորդում՝ 30-40), որ աշակերտները պիտի գրեն ինքնաթելադրությամբ: Տալիս է նաև փոխադրություններ, շարադրություններ: Իհարկե, երկար ընդմիջումներով: Վերջիններս օգնում են, որ երեխաները փորձիկ պատմվածքներ, հեքիաթներ հորինեն:

Թելադրությունները և արտահայտությունները տրվում են կոնկրետ առաջադրանքներով: Արդյունքը, որպես կանոն, միշտ գոհացուցիչ է լինում:

Բարձր են նաև մաթեմատիկայից տրված գրավորների արդյունքները:

Լյուդմիլա Բեգլարյանը, հիրավի, լավ ուսուցչուհի է... Նրա նմանները ուրախություն, հարստություն են դպրոցի, մեր պետության ու ժողովրդի համար: Ու ինչքան լավ է, որ նրանց թիվը հաշվվում է տասնյակներով, հարյուրներով: Ասել է թե՛ «վերևներում» տեղում չեն դուրս, ձեխ համար չեն որոշումներ, օրենքներ ընդունում, անզեն աջքով էլ կարելի է տեսնել, որ ամենօրյա ուշադրության կենտրոնում է պահվում մեծ հույսեր ներշնչող կրթական մեծ բարեփոխումների ընթացքը, անմեղա մանկավարժների գործն ու խոհեմ կեցվածքը: Առավել ևս՝ տարրական դպրոցում, բանձի այստեղ է դրվում գիտելիքների ամուրի հիմքը:

Տարրական մասը հիմքերի հիմքն է, սովորաբար այսպես են որակում ուսուցիչները, երբ խոսք է բացվում միջին և բարձր դասարաններում տեղ գտած թերացումների կամ ձեռք բերված հաջողությունների մասին: Այդ, փորձը, պրակտիկան համզում են, որ տարրական դպրոցն ամենից առաջ պետք է սաներին սովորել սովորեցնել: Ժամանակին այս միտքը առաջ են քաշել ակադավոր մանկավարժներ 3-ան Ամնո Կոմենսկին, Կ. Ուշինսկին, Ա. Դիստերվեյը: Դե, ուրեմն, ողջունենք, ի սրտե շնորհավորենք օրինակելի դասավոր Լյուդմիլա Բեգլարյանին, որը ոչ միայն խորապես ընկալել, մարտն է դարձրել եկած իմաստուն ասույթը, այլև իր կարծիքը, տեսակետը, մանկավարժական մոտեցումն ամփոփել է 128 էջանոց օգտակար այս գրքում: Սա, ինչ խոսք, գովելի քայլ է, անզան՝ յուրատեսակ խիզախում: Ու են ուզում են ասելիքն իմ ավարտել գրքին մի առանձին ռուբ տվող (պայծառ լուսանկարների հետ, անշուշտ) ասույթներից մեկով. «Միջակ ուսուցիչը շարադրում է, լավ ուսուցիչը՝ բացատրում, առաջավորը՝ ցուցադրում, մեծ ուսուցիչը՝ ոգևորում»: Սրանցից ո՞րն է Լյուդմիլան: Թողնում են մոտիկից ճանաչողներին:

Միքայել ԲԱՆՏՆ
20-րդ դարի Արցախի
լավագույն մանկավարժ

Շնորհավորանք
**ՎԱՏԱԿԱՆՑՆ ՄԱՆԿԱՎԱՐԺԻ
ՆՎԻՐՈՒՄՈՎ ԱՇԽԱՏԱՆՔԸ**



Քիչ է ասել, թե ժամանակագրության մաթեմատիկայի ուսուցչուհի է, փոխտնօրեն, կազմակերպիչ: Նրան լսողները, նրա հետ առնչվողները մի պահ կարծում են, թե նվիրումով ու ներքին այրումով աշխատող մանկավարժը, անաղարտ հայերենով ու ճոխ բառապաշարով շրջապատում բարձր տրամադրություն ապահովող կինը պոեզիայի սիրահար, հայոց լեզվի և գրականության ուսուցիչ է:

Կյանքում դժվար պահեր չատ է ունեցել. Արցախյան պատերազմն իր կարկածներն է տեղացել նրա գլխին: Բայց նա չի ընկրկել և իմաստնացած ուղի է անցել՝ մնալով բարձր ինտելեկտի, ազնիվ խառնվածքի, ընկերասիրության տեր մարդ: Նա միշտ ապրել է իր սաների ու, ինչու չէ, նաև նրանց ծնողների հետաքրքրություններով: Սա պիտի շեշտել, քանզի նրա համար չկա չար, չարածի, վատ աշակերտ, բոլորին վերաբերվում է մայրաբար՝ պահպանելով նրանց անձի արժանապատվությունը, ընկերական է նրանց նկատմամբ, բոլորին օգնում է իր բարի խորհուրդներով:

Ծնվել է 1953թ. հունիսի 24-ին, մանկավարժի ընտանիքում: Աշխատանքային հարուստ կենսագրություն ունի մանկավարժ Գրիգորյանը: Նա իր մանկավարժական մկրտությունը ստացել է 1972թ., Նորագյուղի միջնակարգ դպրոցում՝ աշխատելով որպես մաթեմատիկայի և ֆիզիկայի ուսուցիչ: 1973թ. հոկտեմբերից մինչև 1976թ. մայիս աշխատել է Ստեփանակերտի Ա. Դուլյանի անվան հ. 2 միջնակարգ դպրոցում՝ որպես ավագ ցուկատավար, իսկ 1976թ. տեղափոխվում է Ե. Զարենցի անվան հ. 7 միջնակարգ դպրոց և շարունակում ավագ ցուկատավարի պարտականությունների կատարումը: 1978-1993թթ. աշխատել է նույն դպրոցում՝ որպես դասավար: 1993թ. ընտրվում է ԼՂՀ ժողկրթության, գիտության և մշակույթի արհմիության հանրապետական կոմիտեի քարտուղար, իսկ 1994թ. հոկտեմբերին՝ նույն կոմիտեի նախագահ, որտեղ աշխատել է մինչև 1996 թվականը: Այդ աշխատանքին զուգահեռ մաթեմատիկա է դասավանդել հ. 7 դպրոցում: 1996-ից առայսօր նույն դպրոցի փոխտնօրենն է:

Շուրջ 41 տարվա մանկավարժ է՝ բազմազան մեթոդների ու հնարքների տիրապետող: Նրան ոչ միայն հաջողվում է սովորեցնել թվերի լեզուն, այլև իր սաների առաջ բացում է կյանքի դժվարին ու ճշմարիտ փակագծերը:

«Մաթեմատիկան մտքի երաժշտություն է», - սիրում է կրկնել ընկեր Գրիգորյանը: Ըստ նրա՝ պարտադիր չէ, որ բոլոր տիրապետեն մաթեմատիկային, բայց պարտադիր է, որ ունենան մաթեմատիկական մտածելակերպ՝ կյանքը ճիշտ ընկալելու, ազնիվ ապրելու, սխալներ չգործելու համար:

Փոխտնօրեն Գրիգորյանի աշխատանքը սահմաններ չի ճանաչում: Դպրոցի տեսչավորման արդյունքների մասին տեղեկանքում մենք ընթերցում ենք. «Թիվ 7 դպրոցում կազմակերպվող տարաբնույթ միջոցառումները՝ կրթական, մշակութային, մարզական, աչքի են ընկնում իրենց բարձր մակարդակով»:

Իրոք, դպրոցի փոխտնօրեն-կազմակերպիչը կարողանում է հայրենասերի վեհ կերպարով արժևորել և ապահովել տարվա ընթացքում նախատեսված բոլոր միջոցառումները, նաև թովիչ ծայրով, բարեհամբույր տեսքով, հուզումնաշատ ներաշխարհով ստիպում ընթրիչներ այնպիսի պահեր, որ ծնուն են հայրենասիրություն, ազգասիրություն, սեր ու հարգանք դեպի մշակույթը, դեպի հայ ժողովուրդը:

Հպարտանալու շատ բան ունի շնորհավոր մանկավարժը: Նա ասումընում է, երզուն, պարուն, ստեղծագործում: Սիրում է հունորը, կենսափնիչ ու պարզապես լավ մարդ է, նվիրված ընկեր: Այսօր հպարտորեն հետադարձ հայացք ձգելով իր ապրած ու վաստակած տարիներին՝ ասում է. «Կյանքս նվիրել էմ մատուր սերնդի կրթության ու դաստիարակության վեհ գործին»:

Վաստակաշատ մանկավարժ Ժ. Գրիգորյանի աշխատանքը բազմիցս արժանացել է դրվատանքի: Նա տարբեր հասարակական աշխատանքների և երկարամյա բարեխիղճ ու անբասիր մանկավարժական գործունեության համար պարգևատրվել է պատվոգրերով, շնորհակալագրերով, արժեքավոր նվերներով: Այսօր էլ նա շարունակում է աշխատել մեծ պատասխանատվությամբ, պատրաստ իր գիտելիքները, կարողություններն անմնացորդ հաղորդելու երիտասարդներին, իր սաներին:

Անչափ բարի է, ազնիվ, հոգապար, ուշադիր յուրաքանչյուրի հանդեպ, լավ խորհրդատու: Ունի երկու զավակ, որոնց համար անզուգական ու ինքնամոռաց մայր է, անսահման նվիրումով մեծացրել ու ճիշտ է դաստիարակել իր հրաշալի որդուն ու դստերը: Նա նաև նվիրված զավակ է իր ծնողի հանդեպ: Նրա խնամքին է մանկավարժ թոշակառու մայրը:

Սիրելի գործընկեր, հարգարժան փոխտնօրեն, ի խորոց սրտի շնորհավորում ենք Ձեր 60-ամյակը, ցանկանում ամուր առողջություն, հաջողություններ: Երջանիկ օրերը թող բազմապատկվեն, ու լուսավոր պահեր ուղեկցեն Ձեզ միշտ առնքնող արևի ճառագայթների ներքո:

Ստեփանակերտի Ե. Զարենցի անվան հ. 7 հիմնական դպրոցի մանկավարժական կրկնակի

ՓԱՍՏԱՐԿՈՒՄ

«ԿՈՒՆՈՒ» ՌԱԶՄԱԳՈՐԾՈՂՈՒԹՅՈՒՆԸ ՄՏԵՈՒՄ ԷՐ ԽՄՅՍ-Ը ԼՈՒՏԱՐԵԼՈՒ ԾՐԱԳՐԻ ՄԵՋ

Կարծում է ԳԳ ԳԱԱ թղթակից-անդամ, «Քաղաքական հետազոտությունների ակադեմիա» ԶԿ ճախագահ Ալեքսանդր ՄԱՆԱՅԱՆԸ



Արդյո՞ք հնարավոր էր կանխել «Կոլցո» ռազմագործողությունը, այլ կերպ՝ հայկական գյուղերի տեղահանությունը, իրադարձությունների նման զարգացումն սպասելի՞ էին: Անե՞ն ինչ արհի՞նք՝ դիմագրավելու դեպքերի նման ընթացքին, դրանք թափն ու ծավալն ինչ-որ չափով նվազեցնելու համար:

«Կոլցո»-ն կամ «Օղակ»-ը սովորական գործողություն չի եղել: Այն մտնում էր ԽՍՀՄ-ը լուծարելու ծրագրի մեջ, սա իմ կարծիքն է, որի հեղինակներն Արևմուտքում էին, իսկ իրագործողները՝ Կրեմլում: Իրագործող թիմը գլխավորում էր Գորբաչովն ինքը: Այսօր Ռուսաստանում բազմաթիվ հետազոտողներ, վերլուծաբաններ զբաղված են գորբաչովյան գործի ուսումնասիրությամբ, և արդեն հնչում են ձայներ՝ հայրենիքի դավաճանության համար նրան դատի տալու: Իմ ուսումնասիրություններն ինձ նույնպես հանգեցրել են այն համոզման, որ Գորբաչովը վարում էր ԽՍՀՄ-ը լուծարելու քաղաքականություն, և այդ քաղաքականության լծակներից մեկը Արցախյան շարժումն էր: Ծրագրում չէր ներառվում դարաբաղյան հարցի որևէ լուծում. Դարաբաղյան շարժումը դիտվում էր իբրև պայթուցիկ նյութ, իբրև միջոց, վիթխարի տերության փլուզումն իրագործելու գործիք: 1988-ին մենք կարգին չգիտեինք էլ, թե ԽՍՀՄ Կենտկոմի գլխավոր քարտուղարի մտքին ինչ էր: Մեզ համար իրապարակայնությունը, վերականգնումը լավագույն առիթ էին մեր իղծերը իրապարակավ արտահայտելու, մեր պահանջատիրությանը հնչեղություն տալու: Արցախյան շարժումը ԽՍՀՄ առաջին ճախագահ դարձած Գորբաչովի համար այլ նպատակ ուներ, մեզ համար՝ այլ: Չմոռանանք, որ Բաքուն էլ իր նպատակն ուներ: Բայց մենք փորձում էինք, այսպես կոչված, գլխատնոստի, պերեստրոյկայի գաղափարախոսությունը քաղաքական պրակտիկայում օգտագործել՝ դարաբաղյան հարցը լուծելու համար: Խորհրդային իշխանության վերջին տարվա գարնանը՝ ապրիլ-մայիսին, արդեն պարզ դարձավ, որ Արցախյան շարժումն այնպիսի թափ է առել, որ ոչ միայն արագացնում է ԽՍՀՄ լուծարումը, այլև, հնարավոր է վճռի իր առջև դրված խնդիրը՝ վերամիավորումը Հայաստանին: Դրա առաջն անպայման պետք էր առնել: Մեծ ծրագիրը մշակողները և իրագործողները հասկացան, որ դարաբաղցիներին պետք է զսպել, և այդ զսպաշափակը նաև «Օղակ» գործողությունն էր՝ դարաբաղցիներին պատժելու գործողությունը:

Մեզ ցանկանում էին խեղդել: Եթե «Օղակ» է՞ խեղդել:

Իհարկե, որպեսզի ԽՍՀՄ լուծարումը տեղի ունենա ըստ կանխապես մշակված ծրագրի: Այնպես որ, «Օղակ»-ի դերը ԽՍՀՄ փլուզման գործում դա է եղել: Եվ մենք հազիվ թե կարողանայինք որևէ բան ձեռնարկել 91-ին: Հազիվ թե, որովհետև ակներև էր, որ դարաբաղցիները վճռականորեն են տրամադրված, և այդ վճռականությունը կտրտելու միակ միջոցը պետք է դառնար դաժան շրջափակումն ու «Օղակ»-ի շրջանակում դարաբաղյան գյուղե-

րի հայաթափումը: - Ըստ Ձեզ՝ հնարավոր չէր կանխել «Կոլցո»-ն: Բայց գոնե հետո ինչ-որ բան արհի՞նք՝ քաղաքական մակարդակով, որպեսզի դադարեցվի ռազմագործողությունը: Գետաշենի դեպքերը պիտի որ մեզ հուշեին, որ ծանր օրեր են սպասվում:

Գետաշենը նախերգանքն էր: Անկասկած, Գետաշենը «Կոլցո»-ի նախերգանքն էր: Այնտեղից էր սկսվել «Կոլցո»-ն ըստ էության: Այն ժամանակ մեր քաղաքական ղեկավարությունը, իհարկե, բողոքներ էր հրապարակում, դիմում էր Կրեմլին, դիմում էր Արևմուտքին: Եթե կային մեր ղեկավարների մեջ մարդիկ, որոնք գիտեին Մեծ ծրագրի մասին...

Բայց կայի՞ն, արդյո՞ք: - Կարծում եմ՝ կային: Նրանք իրենց քայլերը պետք է չափեին-ձևեին այդ ծրագրին համապատասխան՝ դրան չդիմադրելու համար: Ըստ իս, Գետաշենի և Շահումյանի շրջանի առեղծվածային հանձնումը այդ ծրագրի իրականացման քայլերից է:

Հայաստանյան իշխանավորների մեջ կային անձինք, ում ձեռնառն էր կրավորական, հարմարվողական պահվածքը:

Նրանք տեղյակ էին Մեծ ծրագրի մասին և գիտեին, որ այլ բան անել հնարավոր չէ: Գիտեին, որ ԽՍՀՄ-ը պետք է լուծարվի միութենական հանրապետությունների սահմաններում և այդ հանրապետությունների ներքին սահմաններում, մեր դեպքում՝ մարզի: Մինչև ԼՂՀ հռչակումը Շահումյանի շրջանը, դիմումի համաձայն, ներառված էր ԼՂԻՄ կազմում: Մեծ ծրագիրը ենթադրում էր, որ մարզը հենց իր կարգավիճակով պիտի մնա Ադրբեջանի սահմաններում: Դրա համար պետք է Շահումյանը տրվեր: Եվ տրվեց:

Դարաբաղը գոհել հանում իշխանության, հանում Հայաստանի անկախության...

91-ին արդեն այդ տեսակետը, որ Դուք ասացիք, թե ավելի լավ է մենք անկախություն ձեռք բերենք, քան թե Դարաբաղի խնդրով խճողվենք, արդեն շրջանառվում էր: Ինձ անձամբ ասել են: Եվ եթե տեղափոխվենք ժամանակի մեջ ու զանք սեպտեմբեր, կտեսնենք, որ Լեռնային Դարաբաղն ավելի շուտ է հռչակվել իբրև անկախ պետություն, քան Հայաստանում կկայանար անկախության հանրաքվեն: Դարաբաղյան իշխանությունները, քաղաքական առաջնորդներն արդեն զգուշացված էին, որ Հայաստանն անկախանալու է Խորհրդային Հայաստանի սահմաններում, և պետք է իրենց գլխի ճարը տեսնեն: Ուրիշ ձև չգտան, քան անկախ պետություն հռչակելը: Մենք ոտքի էինք կանգնել միացման համար, երեք տարի անընդհատ «միացում» էինք գոչում և հանկարծ մեզ անկախ պետություն ենք հռչակում: Սա ևս իր բացատրությունն ստանում է քաղաքական ահա այդպիսի վարկածի համատեքստում:

«Կոլցո»-ն սկսվեց: Դրան դիմագրավելու միասնական ծրագիր չմշակեցինք: Անեն մի շրջան, ամեն մի գյուղ գործում էր, պայքարում էր առանձին:

Մեր դեմ մի հսկայական կայսրություն էր: Հաղորդի շրջանի գյուղերը կամ Բերդաձորն ի՞նչ կարող էին անել ահռելի բանակի դեմ:

Ստեփանակերտը մի կողմ էր քաշվել, դիտորդի դերում էր:

Վերհիշենք ԽՍՀՄ-ը լուծարելու Մեծ ծրագիրը և կտեսնենք, որ դա էլ է բացատրություն ստանում: Երբ ասում են՝ լռեք, սպասեք, շուտով Սովետը չի լինի... Գիտեին ղեկավարները վերևներում, Հայաստանի քաղաքական ղեկավարության մեջ կային անձինք, որոնք այդ մասին գիտեին: Գորբաչովի, այսպես ասած, դարաբաղյան գործի ուսումնասիրությունն է ինձ այդ եզրակացությանը հանգեցրել:

Տեղահանվելիք բնակավայրերն ինչպե՞ս էին որոշում: Ընտրում էին այն գյուղերը, որոնք Հայաստանի սահմանին մոտ էին կամ շրջափակված էին ազերաբնակ գյուղերով:

Հարցին պատասխանեցիք փաստորեն: Այո, այդպես է եղել՝ խոցելի կետերը վերացնել և, որքան հնարավոր է, մինչև Խորհրդային Միության լուծարումը թուլացնել մարզը, որպեսզի հետագայում այն Ադրբեջանի համար գլխացավանք չդառնա: Դրա համար էլ առաջին հերթին խփում էին թույլ տեղերին, որպեսզի հետո Ստեփանակերտից տեղահանությունը դառնա կամավոր, և հայաթափվի ամբողջ Լեռնային Դարաբաղը:

Տեղահանություն սպասում էր ողջ Լեռնային Դարաբաղին:

Ադրբեջանը դա էր անում: Մարզը կարող էր պահվել, բայց արդեն...

Սռանց հայերի: - Ինչպես Նախիջևանում:

Տեղահանության ավիքը չանցավ Մարտունու, Մարտակերտի, Ասկերանի շրջաններով: Հերթը չհասավ նրանց, չհասցրին:

Որովհետև վրա հասավ օգոստոսյան խռովությունը: Ադրբեջանը ձգտում էր, արդեն ասացի, հայաթափել ողջ Լեռնային Դարաբաղը, չնայած ԽՍՀՄ-ի լուծարումից հետո մարզը, այնուամենայնիվ, պետք է պահպանվեր, քանի որ դա ձեռնառու էր բոլոր կողմերին, Արևմուտքին: Իսկ Ադրբեջանը շտապում էր հայաթափել և այնքան փոքրացնել հայերի ներկայությունը Լեռնային Դարաբաղում, որ հետո գլուխը չցավի: Եթե խռովությունը հաջողվեր, դարձյալ Դարաբաղի դեմ կկիրառեին կայսերական դաժան միջոցներ, որովհետև արդեն ակնհայտ էր, որ Խորհրդային Միության փլուզումն սկսվել էր Լեռնային Դարաբաղից, Դարաբաղյան շարժումն էր դրել գործընթացի սկիզբը, չնայած դարաբաղցիները դրանում մեղք չունեն բնավ: Այդ գործը հաջողությամբ կատարում էր Գորբաչովը՝ մեզ խոստումներ տալով, որպեսզի Շարժման թափը չկտրվի, բայց նաև ոչինչ չանելով, մեզ թողնելով Շարժման մեջ՝ Դարաբաղը դարձնում էր ԽՍՀՄ-ը լուծարելու գործիք:

Մինչև 1991-ի ապրիլն էլ գյուղերի բռնի տեղահանումներ են կատարվել: Կարելի՞ է ասել, որ դրանք «Կոլցո»-ին նախորդող փորձեր էին՝ ստուգելու համար, թե որքան արդյունավետ է այն լինելու:

Դրանք ուղղակի Դարաբաղը զսպելու, ենթարկեցնելու ծրագրի փուլեր էին՝ աստիճանաբար ծայրերից սկսել՝ Կամո, Ազատ, Գետաշեն ու ի վերջո թողնել հայաբնակ մեկ երկու շրջան և ասել՝ ահա ձեր մարզը, որն արդեն անգոր կլինի, որևէ ընթացք քայլ անելու ուժը չէր ունենա:

Խոսքը միայն Կամոյի, Ազատի, Ղուշչի Արմավիրի մասին չէ: Մինչև 1991 թվականի ապրիլը Շուշիի շրջանի Տաքը վերստը, Բերդաձորի գյուղերը արդեն մեկ անգամ բռնի տեղահանվել էին:

Նույն ծրագրի իրագործման փուլերն են: - Խորհրդային Միության օրոք «Կոլցո»-ի նման գործողություններ անցկացվել են:

Խորհրդային Միության օրոք շատ բան է եղել, ստալինյան տարիներին հատկապես, ամբողջ ժողովուրդներ են տեղահանվել: Վերականգնում, հրապարակայնություն, ժողովրդավարություն՝ ահա այդ ջերմացման, մեղմացման տարիների համար հայկական գյուղերի տեղահանությունը և բռնարարները Դարաբաղի բնակչության հանդեպ իսկապես անմախաղեպ էին ողջ Խորհրդային Միության պատմության մեջ: Խորհրդային գործը օրը ցերեկով մտնում էր հայկական գյուղերը և մարդկանց սպանում, բռնանում: Իսկ ազերի խուժանն զբաղվում էր թալանով: Բայց դա

պետք է քննարկել Գորբաչովի դարաբաղյան գործի համատեքստում: Ռուսաստան-Հայաստան, ռուս ժողովուրդ-հայ ժողովուրդ հարթությունում չպիտի քննարկվի հարցը: Մեղավորը, պատասխանատուն ինքը՝ Գորբաչովն է:

«Կոլցո»-ն խափանվեց, ընդհատվեց պուտչի պատճառով: Մեր դիմադրությունը, միջազգային հանրության արձագանքը որևէ դեր չխաղա՞ց:

Իրավիճակներ են լինում, երբ միջազգային հանրությունը կարող է բողոքել, բայց դրանից այն կողմ չզննալ: Սա այդ դեպքերից մեկն է եղել:

Ունե՞նք տեղեկություններ, թե «Կոլցո»-ն ինչ ընթացք և ավարտ պիտի ունենար, եթե պուտչը չխանգարեր: Եթե օգոստոսյան խռովությունը հաջողվեր, էլի վատ էր լինելու:

Անկասկած: Եթե խռովությունը հաջողությամբ ավարտվեր, Խորհրդային Միությունում վերականգնվելու էր բռնապետությունը, որ կար մինչև Գորբաչովը, բայց արդեն գազազած ձևով, և, ինչպես ասացի, մեղքը բարդելու էին Դարաբաղի վրա: Այդ իմաստով այն, ինչ տեղի է ունեցել, մեր օգտին է եղել: Մեզ և խռովությունն էր պետք, և՛ դրա ձախողումը:

Նման դեպքում են ասում՝ չկա չարիք առանց բարիքի:

Աստօծ մատը խառն էր, Աստված մեր կողմն էր:

Ինչո՞ւ հնարավոր եղավ «Կոլցո»-ն: Ասացիք, որ դա Արևմուտքին ձեռնառու էր: Իսկ Արցախի հարցում ԳԳ իշխանությունների ոչ ճիշտ քաղաքականությունը էական դեր խաղաց: Ի՞նչ պատճառներ են դրդել Մոսկվային՝ սատարելու Բաքվին՝ այդ իրեշավոր ռազմագործողությունն իրականացնելու:

Ասացի, որ հայաստանյան իշխանություններում կային մարդիկ, որոնք այդ բոլորը գիտեին: Եթե շատ լավ չգիտեին էլ, ապա նրանց այդ մասին ասում էին կիսով չափ, հիպոթեզի ձևով, հասկացնում էին, որ Դարաբաղը Հայաստանին միանալ չի կարող, որ հետխորհրդային տարածքում նորանկախ պետություններ են հռչակվելու՝ միութենական հանրապետությունների սահմաններում: Սկսեցին հասկանալի է դարձնում թե՛ հայաստանյան իշխանությունների, թե՛ Հայոց համազգային շարժման քաղաքական առաջնորդների, թե՛ Մոսկվայի, թե՛ նաև Ադրբեջանի վարքը:

Հայաստանը չմասնակցեց ԽՍՀՄ-ը պահպանելու համար անցկացված հանրաքվեին, ԳԳ Գերագույն խորհրդի ճախագահ Լևոն Տեր-Պետրոսյանն անթաքույց հակառուսական քաղաքականություն էր վարում: Այս հանգամանքները մշակակություն չունեցա՞ն:

Իշխանության առաջին տարիներին նրա հակառուսական ուղղվածությունը, իհարկե, վիճարկելի չէ: Հայտարարություններ են արել, բայց երբ հասկացել է, որ Արևմուտքի հետ հույսեր կապել պետք չէ, և որ Ռուսաստանը կենսական շահեր ունի Հայաստանում, ինչը կարելի է օգտագործել, շրջվել է նաև դեպի Ռուսաստանը: Հայաստանյան ղեկավարության մտքում չի եղել, ենթադրենք, այնպիսի բան, ինչպիսին «Կոլցո»-ն էր, Դարաբաղի բնակչության նկատմամբ բռնությունները: Ընդհակառակը, գլխավոր բանաձևը եղել է այն, որ դարաբաղցիները շարունակեն ապրել իրենց դարավոր հողում: Դարաբաղում հայերի անվտանգության պայմանն էր, որ Հայաստանի իշխանությունները դնում էին միջազգային հանրության առաջ: Այս ամենը տեղավորվում է այն հայեցակարգի մեջ, որի մասին սկզբից խոսել եմ՝ ԽՍՀՄ լուծարումը միութենական հանրապետությունների սահմաններում:

ՈՉ ՈՔ ՉԻ ՍՈՒՍՑՎԵԼ

ԱՆՄԱՀՈՒԹՅԱՆ ՃԱՍՓԱՆԵՐՈՎ` ՀԱՅՐԵՆԻՔԻՉ ՀԵՌՈՒ, ՀԱՅՐԵՆԻՔԻ ՀԱՄԱՐ

Սիրող ինչպե՞ս ազնիվ մնաց նենգ աշխարհում, Նրանից է, որ դու ունես մարդու արմատ, Այդ արմատով պիտի ապրենք մենք աշխարհում:

Արամայիս Սահակյան

Շուշիի Արսեն Խաչատրյանի անվան 90-ամյա պետական հունանիտար քոլեջն իր գործունեության ընթացքում թողարկել է բազում շրջանավարտներ, որոնք կոլեկտիվի զաւիթին պարզած այցեքարտն են, հպարտության առիվավատյան:

Շրջանավարտները կյանք են տարել ավանդույթներով հարուստ կրթօջախում ստացած գիտելիքներն ու հայրենասիրական դասերը: Նրանցից շատերը դարձել են լավագույն մանկավարժներ, գիտնականներ, քաղաքագետներ, հայրենիքի պաշտպաններ:

Տարիների հեռվից այսօր ցանկանում են ի խորոց արտի երախտագիտությանը ներկայացնել Շուշիի մանկավարժական ուսումնարանի 1940թ. գերագանցիկ շրջանավարտ Ալեքսանդր Արմենակի Դուլյանի անթառամ կյանքի ուղին:

1922թ. սեպտեմբերի 25-ին արտակարգ եռուգետ էր Ասկերանի շրջանի Դաշուկաղ (այժմ` Աստղաշեն) գյուղի բնակիչ Արմենակ Դուլյանի օջախում. ծնվել էր առաջնեկը` Ալեքսանդրը (Մամյայի և Էմմայի միակ եղբայրը):

Ալեքսանդրը սկզբնական կրթությունը ստացել է Աստղաշենի յոթնամյա, միջնակարգը` հարևան Բաղարայի դպրոցում` գերագանց առաջադիմությամբ: Այնուհետև ընդունվել է Շուշիի մանկավարժական ուսումնարանը, ավարտել գերագանցությամբ` ստանալով տարրական դասարանների ուսուցչի մասնագիտություն: Միաժամանակ ավարտում է Շուշիի ուսուցչական երկամյա ինստիտուտի ռուսաց լեզվի ուսուցիչների պատրաստման դասընթացները:

Ավարտական փաստաթղթերը ստորագրել է ուսումնարանի երկարամյա տնօրեն` երջանակահիշատակ Արսեն Խաչատրյանը:

Ուսումնարանն ավարտելուց հետո որպես ռուսաց և գերմաներեն լեզուների ուսուցիչ է աշխատել հայրենի գյուղում:

1941թ. մայիսին Ալեքսանդրը զորակոչվում է զինծառայության` սիրելի աշակերտների մոտ վերադառնալու, ամուսնանալու, երեխաներ ունենալու, ծնողներին թոռնիկներ պարզելու պայմանով: Բայց չհասցրեց

ավարտել զինծառայությունը: Սկսվեց Մեծ Հայրենականը, որի առաջին իսկ օրերից հայրենիքի պաշտպանության դիրքերում մարտնչում էին կրթօջախի շատ շրջանավարտներ:

Դպրոցական զանգի դողանքները կիսատ մնացին, դասամատյանին ու գրչին փոխարինեց գեները:

Մեծ Հայրենականում իր կյանքը գիտակցաբար հայրենիքից հեռու, հայրենիքի փրկության գոհասեղանին դրած, ուսումնարանի օրինակելի շրջանավարտ, Աստղաշենի դպրոցի ուսուցիչ Ա. Դուլյանը հրե բոցերի մեջ «Գիտակցված մահն անմահություն է» երդումը



շուրթերին, մարտիրոսվեց 1943թ....

Պատերազմը կործանեց քաղաքներ և գյուղեր, ոչ միայն մարեց օջախների ծովին ու արցունք խառնեց աղբյուրի կարկաչին, այլև խուժեց մարդկային ներաշխարհը, խլեց հազարավոր երիտասարդների կյանքը:

Շատերը ի՞նչ հույսեր, երազանքներ, նվիրումներ ու սիրահանքներ թողին անավարտ...

Սրտի անհուն թրթռում էր թերթում Ալեքսանդրի` ծնողների միանմար որդու միակ հիշատակը` խուճապած մամակների տրցակը, կապոցը, որոնք այսօր սրբությանը ու խնամքով է պահում Աստղաշենում ապրող քույրը` Էմման:

Ձինվորի` եռա-քառածավալ մամակներ, որոնք Ալեքսանդրը, հայրենի Արցախի ու հարազատների կարոտով տոգորված, հղել է գյուղ: Նամակների դեղնած թերթիկները դեռ այն հեռավոր օրերի ահեղ շնչով ու վառողի ծխով են բուրում:

Հապտոտապ, հապճեպ գրված, սեղմ, բայց անհունորեն անկեղծ, նվիրական մամակներ, որոնք ցողված են մարդկային վեհ զգացմունքներով, մեծ սիրով ու երագներով: Հաղ-

թանակի լավատեսությամբ համեմված պատահիկներ են դրանք:

Բազմազան են Ալեքսանդրի մամակների աշխարհագրական հասցեները տարբեր ռազմաճակատներից` Կորոնեթի, Մոսկվայի, Սվերդլովսկի, Կրասնոյարսկի, Սարատովի, Խարկովի մարզեր, «Դաշտային փոստ»:

Բոլոր մամակներն այսպես էին սկսվում. «Թանկագին մամա, որդիական ջերմ բարևներ...»:

Հայրը` Արմենակը, և մարտադաշտում էր և հայրենի գյուղ վերադարձավ պատերազմից հետո` մահկանացուն կնքելով 1981-ին:

Նամակներից հառնում է Ալեքսանդրը` խիզախ, հպարտ ու գեղեցիկ` կյանքի հետ հավերժ քայլելու համար:

Միա պարզ, անպաճույճ, բայց անսահմանորեն հուզիչ երկտող. «Մամա, պապա ջան, երբ կամ, մանրամասն կպատմեն: Ես երջանիկ եմ, որ մասնակցում եմ հիտլերյան բանակի ջախջախման գործին: Կգամ ու կպատմեն մեր մարտիկների, ընկերների հերոսության մասին: Հիմա ժամանակ չկա...»

Իր մասին գրում էր հակիրճ, երկուերեք նախադասությամբ: Հետաքրքրվում էր բոլորով` բարեկամներով, հարազատներով, հարևաններով: Ամեն

մամակում դիմում էր Մամյա և Էմմա քույրերին, որպեսզի լավ սովորեն և օգնեն մայրիկին: Ցանկությունն էր, որ Մամյան ստանա բարձրագույն կրթություն:

Իրականացավ եղբոր երազանքը: Մամյան գերագանցությամբ ավարտեց միջնակարգը և ստացավ բարձրագույն կրթություն: 1943-1949թթ. ուսուցչուհի էր Աստղաշենի յոթնամյա դպրոցում, 1949-1953թթ.` նույն դպրոցի փոխտնօրենը:

1953թ. սեպտեմբերից մինչև 1989թ. սեպտեմբերը Մամյա Դուլյանն Ասկերանի միջնակարգ դպրոցի անփոփոխ տնօրենն էր` հասարակական-քաղաքական ակտիվ կենսադիրքով: Մեծ հարգանք էր վայելում իր անմնացորդ գործունեության համար:

...1942թ. դեկտեմբերին Ալեքսանդրը շտապում էր ուրախացնել ծնողներին` գրելով. «Հրամանատարությունը զնահատում է իմ ծառայությունները: Պարգևատրվել եմ մեդալով, ընդունվել կուսակցության շարքերը»:

Մի այլ մամակում գրել է. «Մենք կռիվ չենք ուզում, Գերմանիան է հարձակվել: Թույլ չենք տա, որ մեր երկիրն ավերի, սև ձեռքը մեկնի և

ստրկացնի մեր խաղաղասեր ժողովրդին»:

«...Մասնակցեցի ճակատային գործողություններին և համոզվեցի, թե ինչ է իրենից ներկայացնում ֆաշիզմը»:

Ավա՛ղ... Իր մարտական հետագա ուղու մասին չհասցրեց պատմել:

1943թ. Ալեքսանդրի մամակը վերջինը եղավ...

Նամակին հաջորդեց «սև» թուղթը. «Ալեքսանդր Դուլյանը հերոսաբար զոհվել է 1943թ.` Խարկովի մարզի Իգյունի շրջանի Կամենկա գյուղի պաշտպանության ժամանակ: Նա թաղված է Կամենկա գյուղի եղբայրական գերեզմանոցի հուշահամալիրում...»

Ալեքսանդրն ընդամենը 21 տարեկան էր: Ամեն ինչ կիսատ մնաց: Նա իր կյանքը տվեց հանուն խաղաղ և լուսավոր ապագայի: Մակայն ապրում է ողջերի հիշողությունում, ապրում է այնքան, որքան հիշվում է: Ու կիռիվի միշտ:

Որքան հեռանում են տարիները մեր մղած ահեղ պատերազմներից, այնքան ավելի է մեծանում Մեծ Հայրենականի և Արցախյան գոյամարտի անմահների խնկարկունը:

Նրանք չկան, բայց նրանց փառքը երբեք չի խամրում, նրանց թափած արյամբ այսօր ազատագրվել է հող հայրենին:

Հայրենական պատերազմում հաղթանակի 68, ԼՂՀ բանակի ստեղծման և Շուշիի ազատագրման 21-ամյակները թող բազմաչափ կոթող լինեն հայ քաջորդիների վառ հիշատակին:

Երիցս փառք ու պատիվ հայ նահատակներին, ովքեր երդմնազանց չեղան` իրենց արյունը խառնելով հազարավորների արյանը, անձնուրացությամբ ու նվիրումով կռեցին Հաղթանակը` փրկելով հայրենիքը ոստիների ճիրաններից:

Այս գեղեցիկ պահի, մեր խաղաղ օրերի համար մենք պարտական ենք նրանց:

Փա՛ռք մեր հաղթանակները կռողներին:

Խորին խոնարհում ավանդույթներով հարուստ Շուշիի Արսեն Խաչատրյանի անվան պետական հունանիտար քոլեջի 1940թ. գերագանց շրջանավարտ Ալեքսանդր Դուլյանի հիշատակին:

Ալեքսեր ԽԱՉԱՏՐՅԱՆ ԼՂՀ վաստակավոր մանկավարժ

«ԿՈՒՆՈ» ՌԱԶՄԱԳՈՐԾՈՂՈՒԹՅՈՒՆԸ ՄՏԵՈՒՄ ԷՐ ԽՄՀՄ-Ը ԼՈՒՏԱՐԵԼՈՒ ԾՐԱԳՐԻ ՄԵՋ

5 - Ուրեմն չի՞ կարելի հետևություն անել, որ Մոսկվան «Կոլցո» գործողությամբ նաև ինչ-որ չափով պատժեց հայաստանյան իշխանություններին` հակառուսական տրամադրություններով համար:

- Հայաստանում հակառուսական տրամադրությունները հարմար առիթ էին Ղարաբաղին պատժելու համար, ինչը չէր հակասում Մեծ ծրագրին:

- Արդյո՞ք մենք այսօր ամեն ինչ գիտենք «Օղակ»-ի մասին: Տարբեր ենթադրություններ են արվում, տեսակետներ արտահայտվում: Բայց ձեռքի տակ ունենք փաստեր, որոնք հաստատել են մեր ասածը: «Կոլցո»-ն համապարփակ ուսումնասիրության կարիք ունի: Ո՞վ պիտի անի այդ գործը: Ո՞վ պիտի տեղեկացնի աշխարհին, թե ինչ հանցագործություն է կատարվել Արցախի հայերի դեմ 1991 թվականի ապրիլ-օգոստոս ամիսներին:

- Քաղաքական այդպիսի բարդ գործողությունները, իրավաբանու-

թյունները հաճախ փաստաթղթերում չեն արձանագրվում: Եթե փաստաթղթեր լինեն էլ, պետք է կարողանալ կարդալ, այսինքն` դեպքերի ընթացքի, խորքի հիման վրա որոշել, թե որքան են համապատասխանում առաջադրված վարկածին: Սա այդ կարգի հետազոտություն է պահանջում: Իսկ թե ով պետք է դա անի, կարծում եմ, շահագրգիռ երկու կողմ կա: Մեկը ռուսական այն հայրենասիրական ուժերն են, որոնք փորձում են բացահայտել Գորբաչովի` ԽՍՀՄ-ը լուծարելու իրական նպատակները: Բայց այդ ուժերին ավելի շուտ ոչ թե Ղարաբաղն է հետաքրքրում, այլ խորհրդային իմպերիայի կործանման պատճառը Գորբաչովի մեջ տեսնելը: Նման ուսումնասիրությունները չեն բացահայտում գորբաչովյան գործի ղարաբաղյան կողմը: Դա մենք կարող ենք անել միայն: Դարաբաղյան իրադարձությունները, ամեն հրաման, Գերագույն խորհրդի ամեն մի որոշում այնքան լավ են տեղավորվում իմ վարկածի մեջ...

- Արխիվների ուսումնասիրու-

թյունը ոչինչ չի՞ տա: - Հազիվ թե այդպիսի բաները արխիվներում պահպանվեն: Բայց, կարծում եմ, փաստաթղթերից շատերը մեկնաբանվում են, ներքին կապ ունեն, ներքին տրամաբանություն կա դրանցում: Եվ դա կարելի է բացահայտել: Ուղղակի երևում է, ինչքան էլ թաքցնեն, երևում է: Բայց ո՞վ պետք է անի: Գնահատական տրված է «Կոլցո»-ին` ոչ: Ո՞վ պետք է այդ հարցը բարձրացնի: Հայկական կողմը անշուշտ և ղարաբաղյան կողմը` առաջին հերթին:

- «Կոլցո»-ն «ցեղասպանություն» հանցագործությանը բնորոշ ի՞նչ բաղադրիչներ ունի: Այդ գործողությանը մինչև այժմ իրավական գնահատական չի տրվել:

- Բոլոր բաղադրիչներն առկա են: Դա եղել է ցեղասպանություն` պետականորեն իրագործված, որովհետև պետական զորքն է մասնակցել:

- Ի՞նչ կերպ կարելի է հասնել նրան, որ ռազմագործողության թե՛ մտախղացողները, թե՛ կազմակերպիչները և թե՛ իրագործողները

կանգնեն դատարանի առաջ: Հայկական կողմը որևէ աշխատանք կատարում է այս ուղղությամբ:

- Ոչ: Մի նրբություն կա: Ռուսաստանը մեր դաշնակիցն է, և մնան ուսումնասիրությունները մի տեսակ ստվեր են նետում հայ-ռուսական հարաբերությունների վրա: Բայց դա պետք է կատարել, ես հենց սկզբից նշեցի, Գորբաչովի կերպարի, նրա` որպես քաղաքական գործչի, վարքի, հայացքների, նպատակների բացահայտման համատեքստում: Եթե այդպես անենք, չենք խաթարի հայ-ռուսական հարաբերությունները ու կգտնենք իսկական մեղավորներին:

- Այդպես էլ անենք, ո՞վ է խանգարում:

- Մենք ինքներս: Ծույլ ենք: Խոջալուի դեպքերի կեղծումը, ընդհանրապես մեր հակառակորդի կողմից պատմության ջանադրաբար կեղծումը ցույց տվեց, որ մենք դարձրել ենք շարունակ առաջնորդվում ենք այն մտայնությամբ, որ եթե մեր գործն արդար է ու ճշմարիտ, ապա ճշմարտությունն ինքնուրույն պետք է հայտնվի:

լու է: Ոչ մի ճշմարտություն չի հաղթում, եթե չի պաշտպանվում: Ճշմարտությունը կարող է պարտվել, եթե պաշտպանող չունենա:


- Հայ ժողովուրդը «Կոլցո» գործողության համար չի մեղադրում ռուս ժողովրդին: Այն ռուս ժողովուրդը չի կազմակերպել: Ի՞նչո՞ւ պիտի ստվեր նետի հայ-ռուսական հարաբերությունների վրա:

- Երբ պետական քաղաքականության ստվերը կա դրա վրա, մնան եզրակացություն հեշտ է ամել: Դրա համար պետք է մեծ զգուշությամբ ուսումնասիրությունները կատարել, մեկ էլ են ասում, ոչ թե հայ-ռուսական հարաբերությունների համատեքստում, այլ` Գորբաչովի դատական գործի: Դատի պետք է տրվի Գորբաչովը` Սուլազախի համար, Բաքվի համար, ադրբեջանահայության ցեղասպանության համար, «Օղակ» տխրահեջակ գործողության համար:

Զրույցը` Շովինար ԳՐԻԳՈՐՅԱՆԻ

ՎԵՐՋԻՆ ԷՋ

ՆՈՐԱՅՐ ՀԱՅՐԱՊԵՏԻ ԱՎԵՏԻՍՅԱՆ



2013 թվականի հունիսի 18-ին կյանքից հեռացավ բազմավաստակ մանկավարժ, հասարակական գործիչ Նորայր Հայրապետի Ավետիսյանը:

Նորայր Ավետիսյանը ծնվել է 1933 թվականի ապրիլի 5-ին, Մարտունու շրջանի Յաղորտի գյուղում: Ավարտելով հայրենի գյուղի միջնակարգ դպրոցը՝ 1951 թվականին ընդունվել է 1953 թվականին ավարտել է Ստեփանակերտի երկամյա ուսուցչական ինստիտուտի հայոց լեզվի և գրականության բաժինը:

Ստեփանակերտի երկամյա ուսուցչական ինստիտուտի հայոց լեզվի և գրականության բաժինը և աշխատանքի անցել է Մարտունու շրջանային թերթի խմբագրությունում՝ որպես պատասխանատու քարտուղար: 1957 թվականի հունվարից նա աշխատանքի է անցել հայրենի գյուղի միջնակարգ դպրոցում: Աշխատանքին զուգահեռ՝ 1957-1962 թվականներին սովորել է ավարտել է Հայկական պետական մանկավարժական ինստիտուտի բանասիրական ֆակուլտետի հեռակա բաժինը:

Շուրջ կես դար բազմավաստակ մանկավարժ իր գիտակցական կյանքը նվիրել է հայրենի գյուղի դպրոցին՝ աշխատելով որպես հայոց լեզվի և գրականության ուսուցիչ, փոխտնօրեն, տնօրեն: Մանկավարժական աշխատանքին զուգահեռ՝ Նորայր Ավետիսյանը տասնամյակներ շարունակ կատարել է լրագրողական և գրողի ստեղծագործական աշխատանք՝ հրատարակելով ուսումնամեթոդական տասնյակ հոդվածներ և գեղարվեստական շուրջ մեկ տասնյակ գրքեր ու ժողովածուներ:

Ամնիջական, պարզ ու շիտակ գյուղական միջավայրից Նորայր Ավետիսյանը ոտք դրեց ինքնուրույն ուղու վրա և հաստատուն քայլերով անցավ մանկավարժական գործունեության ու մտավորականի՝ միայն իրեն հատուկ անհատական կյանքի ճանապարհը: Եվ հովվերգական պարզությունն ու իր սիրելի մանկավարժական գործին նախանձախնդիր նվիրումը ուղեկից եղան նրան այդ ամբողջ ճանապարհին: Մինչև կյանքի վերջին օրերը նա շրայլորեն կիսեց մտավորականի ու մանկավարժի իր խոհերը, հայացքներն ու արժեքներն ընթերցող հասարակության և մատաղ սերնդի հետ, մինչև վերջին օրերը նա մնաց ուսուցանողի ու դաստիարակողի կերպարի մեջ՝ ցանկանալով ավելի շատ բան պահ տալ մատաղ սերնդին՝ ապագան լուսավոր ու ճիշտ կերտելու բնական շարունակության համար:

Իր անբասիր աշխատանքի համար նշանավոր մանկավարժ արժանացել է ավագ ուսուցչի և 20-րդ դարի Արցախի լավագույն մանկավարժի պատվավոր կոչումներին, բազմաթիվ պատվոգրերի, վերջերս նաև՝ ԼՂՀ վարչապետի հուշամեդալին, որ պետք է հանդիսավոր պայմաններում նրան հանձնվեր մանկավարժ-գրողի 80-ամյա հոբելյանի հանդիսավոր միջոցառման ժամանակ, որը, սակայն, հանձնվեց հարազատներին՝ սգո արարողության ժամանակ:

Բազմաթիվ են Արցախի մեծ մանկավարժի ու մտավորականի ձեռքբերումները, և նա մեզանից իսկապես հեռացավ ապրած կյանքի ձեռքբերումներն արժևորող հանգիստ ինքնավստահությամբ:

Նորայր Ավետիսյանը միշտ բարձր է գնահատվել իր գործընկերների և աշակերտների կողմից: Նրա անունը վառ կմնա Արցախի ուսուցչության ու մտավորականության և բոլոր ճանաչողների սրտերում: ԼՂՀ կրթության և գիտության նախարարությունը իր վշտակցությունն է հայտնում Նորայր Ավետիսյանի ընտանիքի անդամներին ու հարազատներին:

Նրա կորստի ցավը ոչ միայն հարազատներին ու ընտանիքին է, այլև բոլորինս...

ԼՂՀ կրթության և գիտության նախարարություն

«Լուսարար» թերթի խմբագրության կոլեկտիվը խորապես վշտացած է ճանաչված մտավորական, թերթի ակտիվ թղթակից և հավատարիմ ընթերցող Նորայր Ավետիսյանի մահվան կապակցությամբ և իր զորակցությունն է հայտնում նրա ընտանիքին:

ԵՐԱՆԵԼԻ ԺԱՄԱՆԱԿՆԵՐ (Հուշի պատարիկներ ուսանողական անցյալից)

1951-53 թվականներին ես ուսանող էի Ստեփանակերտի երկամյա ուսուցչական ինստիտուտի: Սկզբից խոստովանեմ, որ դրանք կյանքիս հետաքրքիր, քաղցր ժամանակներից էին, և ես երանությամբ եմ հիշում իմ ուսանող ընկեր-ընկերուհիներին, մեզ ավանդած դասախոսներին: Ինստիտուտում սովորում էին և Կիրովաբադից ու Շահումյանից, Շամախուց ու Գետաշենից, Ֆիզուլուց ու Գորիսից:

Գործում էին երեք ֆակուլտետներ՝ հայոց լեզվի ու գրականության, ռուսաց լեզվի ու գրականության և ֆիզիկամաթեմատիկական: Պարապմունքները տեղի էին ունենում նորակառույց այն շենքում, ուր հիմա գյուղատնտեսական քոլեջն է տեղավորված:

Մեր ֆակուլտետի ղեկանք էր երջանակալիշատակ Կարո Ստեփանի Դավթյանը, որը միակ գիտական աստիճան ունեցողն էր, բանասիրական գիտությունների թեկնածու: Հազիվ էինք իրար ծանոթացել, փորձում էինք ճանաչել: Սերգեյ Գրիգորյանը՝ Մաճկալաշենից, Վաչագան Ավագյանը, Այրազ Իշխանյանը՝ Աշանից, Գյոզալ Մնացականյանը՝ Առաջածորից, Նատաշա Առուշանյանը՝ Չլդրանից, Ռուբեն Պետրոսյանը՝ Մարտակերտից, Տարոն Ավետիսյանը, Գառնիկ Ստեփանյանը, Դոմիկ Մելքունյանը՝ Գորիսի Տեղ գյուղից, երբ մեկ օր լսարան մտավ Կարո Դավթյանը և ասաց.

- Ոչ բարի լուր. Ադրբեջանը բրդամթերման պլանը չի կատարել: Օգնել է պետք: Երեք օրով գնացեք տուն, չորսսական կիլոգրամ բուրդ բերեք: Թերացողները կգրկվեն ուսանող լինելու իրավունքից...

Ես տուն եկա: Մեր բակում ոչխար չկար, այծեր էին, ձին ու գոմշակով: Մայրս դատարկեց յուր ներքնակը, բուրդը լցրեց պարկը, դրեց ձեռք ու այդ օրվանից սկսեց քնել տախտակամած հատակին: Պատերազմում զույգ զավակներ կորցրած մայրս, 13 զավակներ ծնած ու սնած մայրս... Որ ուսումնատենչ որդին 4 կգ բրդի համար չգրկվի ուսանող լինելուց: Որ Ադրբեջանը պարզերես դուրս գա Կրեմլի առաջ և հաղթող ճանաչվի սոցմրցությունում: Ուսումը բարձր հիմքերի վրա էր դրված: Թող զարմանալի չթվա, որ գիտելիք չունեցողը այնտեղ դրական գնահատական ստանալ չէր կարող: Դասախոսներ Արամ Մարտիրոսյանը, Կարո Դավթյանը, Սարգիս Աբրահամյանը, Լևոն Բաղդասարյանը, Տատյանա Ալեքսանդրովնան, Լուսաբեր Օգանեսովնան, Արմենակ Ղազարյանը, Սարգիս Սարգսյանը, Սարգիս Արամյանը իրենց գործի նվիրյալներն էին և օգտվում էին բարձր հեղինակությունից:

1951թ.աշնանային մեկ օր Նիկոլայ Աբրահամյանը գրական ֆակուլտետի ուսանողներիս տարավ գրողների միություն. Բազրատ Ուլուբաբյանի հաշվետվությունն էր: Բաքվից եկել էր Մարգար

Դավթյանը, որի «Լուսավոր ուղի» գիրքը նոր էինք քննարկել գրական խմբակում (խմբակի ղեկավարը տողերիս հեղինակն էր):

Հաջորդ տարում հանդիպում էր մարզում ապրող և ստեղծագործող գրողների հետ: Եկել էին Բազրատ Ուլուբաբյանը, Աբգար Դանիելյանը և Գերասիմ Հովսեփյանը: Ուլուբաբյանի առաջարկով առաջին կուրսի ուսանող Վազգեն Օլյանը դահլիճից բեմ բարձրացավ և տեղ գրավեց հյուրերի շարքում. նա արդեն բանաստեղծի համբավ ուներ:

- Տղե՛րք, ասում են ընկեր Աբրահամյանը գիրք է գրում դպրոցական կյանքի մասին: Շատ հետաքրքիր կլինի, - լուրն այս հաղորդում էին իրար ուսանող տղաները:

Եվ 1954թ. աշնան մեկ երեկո (ես արդեն ավարտել էի աշխատում էի Մարտունու «Դեպի կոմունիզմ» շրջանային թերթի խմբագրությունում) գրողների բաժանմունքում քննարկվում էր Սարգիս Աբրահամյանի ձեռագիր վեպը: Ամենքը հիացական կարծիք էին հայտնում: Ասուլիսն արձանագրողը ես էի: 1957թ. զինվորական պարտադիր ծառայությունս ավարտած, տուն էի վերադարձել: Ընթերցողի սեղանին էր Ս. Աբրահամյանի «Սերունդների հետ» գրքի առաջին հատորը:

Հիշում եմ, թե Լևոն Բաղդասարյանը որպիսի հիացմունքով էր խոսում Ստալինի «Մարքսիզմը և ազգային հարցը» գրքի մասին՝ այն դասելով Մարքսի «Կապիտալ», Էնգելսի «Ամտի Դյուրինգ» և այլ ստեղծագործությունների շարքը:

Այդ մեծը հետո պիտի իմանայինք, որ այդ «հանճարեղ չարագործի» (Ջորի Բալայանի բառերն են) ձեռամբ Արցախը հայտնվեց Ադրբեջանի կազմում: Այդ, հետո պիտի իմանայինք, որ Ստալինը, Բերիան և Բաղիրովը մի հրեշավոր ծրագիր ունեին՝ դեպի Ալթայի երկրամաս արտագաղթի և այլ ստոր միջոցների կիրառմամբ Հայաստանի բնակչությունը պակասեցնել մեկ միլիոնից, որ ըստ «սահմանադրության», անհնարին դառնա նրա՝ միութենական հանրապետություն մնալը և անիրաժեշտություն դառնա երկու հարևան հանրապետությունների միջև բաժանելը: Այդ պիտի իրականանար 1953թ. ամռանը: Փառք երկնավորին, որ «ժողովուրդների հայրը» 1953թ. մարտ ամսին կնքեց իր մահկանացուն: Այդ մասին պարզ դարձավ Ս. Բաղիրովի դատավարության ժամանակ ԽՍՀՄ գլխավոր դատախազ Ռուդենկոյի համառ հարցապնդմամբ (տես Բազրատ Ուլուբաբյանի «Արցախյան գոյապայքարի տարեգրություն» սովորածավալ աշխատությունը):

Ստեփանակերտի երկամյա ուսուցչական ինստիտուտը որակյալ կադրերի պատրաստման իսկական դարբնոց էր: Իսկ դա Ադրբեջանի սրտով չէր, ինչպես և հակառակ՝ նրա ստոր նկրտումների:

1953թ. Ադրբեջանը փակեց Ստեփանակերտի ուսուցչական ինստիտուտի դռները: Որ տարիներ, տասնամյակներ հետո քառամյա մանկավարժական ինստիտուտ բացի՝ միայն ու միայն թուրքական տարրը Արցախ լցնելու նպատակով:

Բայց խոփը քարին առավ: Ոսկորը այս անգամ կոկորդուն մնաց:

Ստեփանակերտի ուսուցչական ինստիտուտի դասախոսներ Սուրեն Հայրապետյանը, Արամ Մարտիրոսյանը, Սարգիս Արամյանը, Սարգիս Սարգսյանը, Սարգիս Աբրահամյանը շարունակեցին աշխատել Ստեփանակերտի դպրոցներում և հետագայում ճանաչվեցին 20-րդ դարի լավագույն մանկավարժներ: Այդ կոչմանն արժանացան ինստիտուտի մի քանի տասնյակ շրջանավարտներ (այդ մասին տես Բահատուր Դավթյան, «20-րդ դարի Արցախի լավագույն մանկավարժները», ք. Ստեփանակերտ, 2001):

Ոմանք էլ դարձան գիտությունների թեկնածուներ, դոկտորներ, շատերը շարքային ուսուցիչներ մնացին՝ բոլորն ամենուր բարձր պահելով Ստեփանակերտի երկամյա ուսուցչական ինստիտուտի հարգն ու պատիվը: Ինքս անձամբ հաճույքով եմ կրում այդ անունը և երանությամբ հիշում այնտեղ ուսանելու երանելի տարիները:

1961 թվականի ամռանն էր: Հայկական պետական հեռակա մանկավարժական ինստիտուտի բանասիրական ֆակուլտետում հանդիպում էր կազմակերպված բանաստեղծ Հովհաննես Շիրազի հետ: Հայոց լեզվի ամբիոնի վարիչ, պրոֆեսոր Խաչատուր Կանայանը հանդիսությունը բացում ու բանախոսելու իրավունքն արտոնում է գրականագետ Անուշավան Զաքարյանին: Ապա ելույթ են ունենում ուսանողները, արտասանում գրողի սիրված ստեղծագործություններից:

Վերջում հարցեր են ուղղում բանաստեղծին:

- Որքան ինձ հայտնի է, Դուք Ղարաբաղում չեք եղել: Այնտեղ սպասում են Ձեզ, ե՞րբ կարող եք այցելել Ղարաբաղ և հանդիպել Ձեր երկրպագուների հետ: Հարցնողը ուսանող ընկերս էր՝ Ստեփանակերտի հ. 2 դպրոցի ուսուցիչ Բորիս Բաղդասարյանը:

- Ես Ղարաբաղ կգամ մի պայմանով, որ Ղարաբաղն էլ ինձ հետ գա Երևան, - ասում է բանաստեղծը:

Նորայր Ավետիսյան Ստեփանակերտի ուսուցչական երկամյա ինստիտուտի 1952-53 ուստարվա շրջանավարտ, 20-րդ դարի Արցախի լավագույն մանկավարժ

ԼՈՒՍԱՐԱՐ Խմբագիր՝ ՍԵՏԼԱՆԱ ԽԱՉԱՏՅԱՆ Հիմնադիր՝ «Լուսարար» ՓԲԸ Ստեփանակերտ, 3. Թումանյան փ. 111, 94-38-99, E-mail: gorctert@mail.ru: www.lusarar.info Մեջբերումների եւ փաստական տվյալների ստուգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում: Տպագրվում է Ստեփանակերտի «Դիզակ պլյուս» ՍՊԸ-ում: Տպաքանակ՝ 3171: Ծավալը՝ տպագրական 2 մամուլ: Ստորագրված է տպագրության՝ 25.06.2013թ.:

«Լուսարար» թերթը տարածվում է միայն բաժանորդագրությամբ: